

晉溪本兵敷奏

盜賊初起則易滅勢已滋蔓則難圖此必然之理也正德間江西姚源華林諸處頑民恃險為盜有司專務姑息招撫遂至釀成大患殺死方面官剽掠郡縣

朝廷命都御史陳金治之調廣西狼兵始得撲滅後賊復起命都御史俞諫同巡撫都御史任漢處置或剿或撫議持兩端久而益熾卒之遠調保定達軍及遼東邊兵往征始克平定江西用

兵前後連五六年勞費無算此勢已滋蔓難圖之明驗也厥後徐九齡賊起兵部議奏乘其勢未猖獗急督捕之不數月擒斬盡絕此盜賊初起易滅之效也然欲所司除患未然非素假之以權則亦不能成功我

太祖高皇帝親經百戰深知兵機不可牽制遲緩所以律條明載若遇草賊生發許乘機調兵襲捕雖非統屬亦許互相策應及申報軍情互相隱匿不速奏聞因而失誤軍機坐以斬罪皆謹始之法也自徐九齡後本部申明隱蔽之禁假借

便宜之權江西盜賊遂得止息及寧藩叛逆不待天兵下臨江西之兵自能平之而禍不遠延豈非申明律禁兵權素得所託而能速致成功如此哉

為地方事

看得江西地方事情先該給事中徐文溥奏要查訪有無欺蔽等因本部於正德九年十二月內奏行鎮巡官嚴加備禦一面行巡按御史徐讚查勘作急具奏又該巡按御史曹倣奏稱江西建昌縣老賊徐九齡正德八年間帶同賊徒撐駕太船數隻經過蕪湖

不由抽分放火燒船往往原籍結聚日衆約計一千
近聞九齡督領衆賊攻打奉新縣治有城難入將縣
外房屋放火燒毀建昌縣聞知前來面諭九齡退回
乞要馬上差人賫文密付巡撫都御史訪探等因該
本部議照前項事情江西鎮巡等官並不見奏報但
徐九齡係江西舊賊本處各官不行處置隱忍不言
今御史曹倣特奏論之深為有見移咨巡撫都御史
俞諫等密切查訪用計擒捕餘黨撫散以安地方近
該巡按御史徐讚奏稱訪得徐九齡自弘治十三年
聚衆為盜拒殺官兵流劫江湖至正德八年因乘招

撫之機率衆回鄉上年節與民人宋禹三等家互相
讐殺焚屋掠財展轉報害官司畏怯姑從撫處冀圖
苟安乞責俞諫剿捕密收成功若復因循聽伊糾劾
等因本部又於今年閏四月內仍奏行俞諫計處外
今俞諫等奏稱徐九齡節據該府縣并知縣周廣等
申稱招撫安插不致為非又奏稱正德十年三月初
二日據同知汪穎揭帖稟稱徐九齡知風於三月初
八日夜由水路潛逃又奏稱醴源賊首顏曰春范仕
誠等自恃丁多族大與徐九齡夥合助勢為害見今
立寨負固將有讐張雲明殺死祭旗又將雷家數人

殺害又奏稱五月十八日申時徐九齡等各穿紅莽
入醴源賊巢鳴鑼放銃呐喊殺豬祭寨勢甚猖獗除
添調官兵相機進剿獲功另行具奏等因臣等參照
江西巡撫都御史俞諫并都布按三司府縣衛所經
該官員俱以凡庸濫膺委任有地方之責者猥瑣閑
茸而撫字不知受總領之寄者因循玩愒而統叙無
法彼處賊情給事中徐文溥奏稱姚源之賊未嘗遭
挫畏懼衣食不繼必思劫掠乞要查訪劉暉功次有
無欺蔽將都御史俞諫仍留巡撫巡按御史曹倣奏
要密行訪探處置本部自去年十二月至今節次奏奉

欽依行下剿捕已過半年而各官若罔聞知直至今年五月徐九齡遯走與醴源賊首顏曰春等合夥殺人祭旗勢甚猖獗方纔奏來及奏稱知縣周廣等以該府官申稱徐九齡招撫安插不致為非不見將各官等問隱匿誤事情罪所據各官俱係互相隱匿軍情重事律該重治及照近年以來為因所在官司隱蔽賊情不早申奏捕滅以致滋蔓荼毒生靈動調軍馬耗損錢穀糜費萬計其隱蔽之人因循姑息未及查究以致各處倣效互相隱匿恬不知懼如徐九齡等弘治年間為盜至今及攻打奉新縣燒房建昌縣

聞知勸回并去年讐殺民人宋禹三等事情遠處之人尚且聞知慮恐釀成大患而江西官司並無奏達跡其存心惟欲延玩以逭己責不為忠謀以弭大患罪狀已彰實難輕貸伏望

皇上斷自宸衷特

勅巡按御史徐讚先查該府縣原申鎮巡衙門申文內說稱徐九齡招撫安插不致為非經該官吏捉拏到官差官牢固鎖押解京送都察院收問再將三司守備等官隱蔽徐九齡并醴源顏日春等賊情經該官負查勘明白分別情罪輕重上緊具奏定奪不許

仍前違延仍請

勅切責巡撫都御史俞諫鎮守太監黎安等俱受朝廷重託鎮撫一方不能宣布

恩威潛消奸宄臨事寡謀惟圖僥倖優游不斷首鼠兩端致盜崛起猝難撲滅論法即當械送京師明正其罪但係緊關用人之際姑令戴罪速會三司官計議選委本省內謀勇官員不拘文武職銜官秩崇卑或一二員或三四員調集堪用官軍兵快責令統領會合剿捕務要謀慮精審計出萬全罪人速得地方早安如或各賊奔逸出境勢已窮促聽其晝夜龍驤

母致遠邇亦不許輕率無備致墮賊計如有成功不
惟准贖前罪尚有功賞別議若或不自悔悟致成大
患

國典具在噬臍難及本部議擬未盡及干係重大事
情星馳具奏定奪本部仍通行南京湖廣浙江南直
隸兩廣等處鎮巡官員嚴督三司守巡兵備等官但
係通連江西水陸道路嚴加把截設法擒捕遇有江
西殺賊官軍到彼會合策應供給行糧料草不許自
分彼此以致徐九齡等越過逃走一體叅究罪不輕
貸但遇賊到隨即依律申奏不許隱匿正德十年六

月二十四日具題本月二十六日奉

聖旨是這地方隱匿誤事官員着巡按御史查勘明白指實叅奏定奪還行文書與鎮巡等官嚴督所屬將各賊上緊擒剿務期盡絕若再因循怠玩釀成大患重治不饒江西接境地方把截緝捕等項都依擬行欽此

為剿平巨寇捷音事

該巡撫江西等處地方都察院右都御史俞諫等奏據兵備副使宗壘呈稱督發官兵設立民寨四路把截本年五月十九日忽有大賊首徐九齡等張打江

西無敵大王旗號突入醴源鳴鑼放銃吶喊哨聚至
次日三更徐九齡等兄弟黨與突來迎敵出戰將徐
九齡戳傷墜馬斬首碎尸餘黨擒斬盡絕內生擒三
百六十五名斬首一百一十六顆俘獲賊屬妻男一
百四十一名口等因該本部議照逆賊徐九齡等本
以

朝廷赤子乃敢構亂逆

天僭稱王號荼毒人民久逋天誅惡貫滿盈今巡撫
都御史俞諫乃能運籌設策申嚴號令鎮守太監黎
安同心協力共圖安輯巡按御史徐讚激揚贊畫督

察有方各官功蹟理宜甄錄及照副使等官宗璫等
各賢訓有方輸忠奮勇不避艱危并各該兵快大戶
人等用命効勞及陣亡兵民死戰遇害俱合照例速
加陞賞以勵人心合無本部移咨都察院轉行巡按
御史徐讚將紀錄過功次并查過陣亡兵民姓名上
緊造冊奏繳及行都御史俞諫會同巡按御史將副
使等官宗璫等功蹟逐一查議等第一併具奏本部
查照議擬上

請定奪通行陞賞及照直隸都御史鄧縡先奏建昌
縣老人劉祥十五帶領家丁擒斬徐九齡等情節合

無亦行巡按御史從公查勘果係劉祥十五為首擒斬徐九齡等盡絕明白回奏重加陞賞以服人心等因題奉

聖旨是這有功并陣亡人等及劉祥十五功次着巡按御史便查實奏來陞賞黎安歲加祿米十二石俞諫徐讚各陞俸一級宗壘等功績待查議至日來說欽此續該巡按江西監察御史徐讚奏稱會同巡撫都御史俞諫議得剿平逆賊徐九齡等功次承委統督設策調度督兵剿截副使宗壘之功居多率衆當先衝鋒破陣斬獲首惡同知汪頴之功為最其分布

抵截捕獲功多則知府嚴紘提兵犯險少到前鋒則知縣吳嘉聰親冒矢石協力追剿則縣丞何永清主簿蔣繡鄭迪各官功居其次督兵防截追擒餘黨則分守左叅政方璘分巡僉事李淳照磨楊汝和通判林寬縣丞楊宗明各官功亦可錄內吳嘉聰林寬楊宗明各有失誤事情僅堪贖罪乞要將宗璽汪穎等速加陞秩其餘有功人員量加賞勞一節切照逆賊徐九齡等積惡有年虐焰方熾今一旦根株盡絕地方安靖所據有功官員人等既該巡按御史徐讚會同巡撫都御史俞諫查議明白相應陞賞以勵人心

合無將功績最多副使宗璽同知汪頴各量陞二級
功居其次知府嚴紘縣丞何永清主簿蔣繡鄭迪各
量陞一級功亦可錄左叅政方璘僉事李淳照磨楊
汝和各陞俸一級知縣吳嘉聰通判林寬縣丞楊宗
明後雖有功先曾失事合無依其所奏准令以功贖
罪俱免提問但查副使宗璽等俱係文職縱無殺賊
之功論其年勞亦有轉陞之理前項擬陞職級尤恐
不足以旌其異合無於各陞職級之外再量加賞以
示甄錄各官又奏稱主簿袁瑤父子奮不顧身同死
戰陣忠義尤為可憫要重為旌錄一節竊惟袁瑤係

縣佐早官素無兵戎之寄而能射傷數賊乘勝追逐
沒於戰陣逆賊由此失利被擒比與近日叅將陳乾
縱放軍人收麥損軍失事未得虜一遺矢而蒙被
恩典賜以祭葬者事尤有間合無將袁瑤亦照陳乾
事例贈官廕子以示優恤庶服人心正德十一年二
月十五日具題奉

聖旨是這有功并陣亡等項官員宗璽汪頴各准陞
二級嚴紘等各一級方璘等各陞俸一級吳嘉聰等
既功可贖罪免提問袁瑤贈知縣還廕他一子送監
讀書欽此

爲公務事

看得御馬監太監畢真奏稱先年都御史俞諫巡撫南贛等處一遇有警會同鎮守太監黎安動調人馬今都御史王守仁不行會同鎮守太監許滿誠非舊規乞要請

勅前去會行所屬地方凡遇征剿遵照舊例以便行事一節先年爲因廣東湖廣福建江西四省交界地方賊情各該鎮巡官員不能遙制以此議設都御史一員專在汀贛二府住劄凡事許徑自區畫便於剿除盜賊也其都御史俞諫巡撫南贛之時爲因江西

腹裏流賊生發事有相干以此會同江西鎮巡官計議行事近日都御史王守仁征剿南贛地方強賊以此不會江西鎮巡官今若將南贛地方盜賊事情又欲會同江西鎮守太監方纔施行彼此牽制坐失事機不如將提督南贛都御史革去止令江西鎮巡官自行之為愈也况鎮守江西太監原奉

勅諭行事自有舊規並無另請

勅書會同南贛都御史事例若准所奏鎮守山西太監該請

勅會同巡撫大同都御史鎮守陝西太監該請

勅會同巡撫延寧等處都御史係干體統決難輕准
合無本部行文提督軍務都御史王守仁今後遇有
江西湖廣廣東腹裏地方盜賊嘯聚應該會各剿除
或動調腹裡府衛州縣軍兵錢糧應與各該鎮巡官
會議者仍照原奉

勅旨計議而行其南贛地方一應軍機事務遵照節
次題奉

欽依事理徑自區畫施行不許推託因而失誤軍機
罪有所歸正德十二年十二月二十六日具題奉
聖旨是今後南贛二府如有盜賊生發還着調兵撫

剿仍馳報江西鎮巡官隨宜策應施行其江西報有別府賊情南贛巡撫官亦要依期遣兵策應俱毋得違誤各寫勅與他欽此

爲地方賊情事

看得巡撫都御史孫燧巡按御史屠僑各題稱強賊吳十三等在於鄱陽湖駕船打劫公差人周詔及錦衣衛百戶張泰等將周詔童安洪隆保及軍兵傅鼎謝羅漢保殺死及將南康府都昌縣民袁榴等家劫殺人財燒毀房屋姦汙婦女叅稱都指揮葛江指揮吳松千戶楊永通判陳旦典史方汝實楊儒平自巡

邏罔知勤謹臨時撲捕又寡計謀俱合提問右叅政程杲副使許逵職專巡守督理欠嚴亦合通究等因係干地方賊情查有前例及先該本部議擬題奉欽依通行今奏別難定奪合無仍照本部原擬行文巡撫江西都御史將經該軍衛有司巡捕并都司捕盜官住俸嚴督該道守巡官運謀設法定立限期將前賊上緊挨拏務要得獲若過限不獲叅奏處治仍行巡按御史通查各該誤事及隱蔽賊情官員應提問者徑自提問應叅奏者叅奏施行再照江西鄱陽湖上通南直隸下通湖廣江西追捕緊急勢必他往

合無本部通行南直隸并湖廣各該巡撫都御史各行通連湖水去處該管官司設備把截相機擒剿如不用心致賊入境搶掠罪有所歸正德十三年七月三十日具題奉

聖旨是這軍衛有司并都司捕盜官都照依前旨住了俸着依限用心拏賊務要及時盡絕若過限不獲并將各該失事官員都提問叅究了來說其餘事宜依擬行欽此

為嚴操備以固江防事

看得南京吏科給事中孫懋奏稱脩舉南京操江武

備在擇將領揀兵卒利器用備船艦濬河港教水習
六事又在得其人重其任要將見管操江都御史任
鑑罷黜別選風力素著大臣查照都御史王守仁提
督事理重加委任脩復舊規一節議論切實謀慮深
遠即今天下武備廢弛急宜脩舉而南京尤所當先
今給事中孫懋所言若不著實整理見諸施行萬一
賊寇竊發逼近南都倉卒無備必致誤事合無本部
移咨南京兵部會同內外守備官并提督巡江操江
都御史等官照依給事中孫懋所陳六事逐一議處
著實舉行仍查議巡江都御史若欲照都御史王守

仁事例重其委任加以事權作何議處方得事體穩
當并將舉行六事各開前件議擬明白上緊回奏本
部再議上

請定奪其都御史任鑑應否罷黜移咨吏部查照具
奏施行正德十三年九月二十一日具題奉

聖旨是這所陳事宜著南京內外守備并操江巡江
官會議停當來說欽此

爲地方賊情事

看得巡撫都御史孫燧等叅稱捕獲賊人葉喜六等
三十九名口窩主袁三五等三十八名口分贓人葉

松五等十名寄贓人蔡召六等六名俱係賊首吳十三等同行上盜人數俱情犯真實追有贓仗明白別無異詞一節叅照強賊吳十三等聚至百人以上殺人劫財拒敵官軍已該本部議擬具題奉

旨督捕今都御史孫燧等乃能嚴督守巡官叅政程杲副使許逵等擒獲賊黨數多具見用心但賊首吳十三未獲合無本部行文孫燧嚴督守巡等官務將吳十三擒獲奏報准贖其罪若仍懈怠日久不獲聽巡按御史叅奏究治正德十三年九月二十四日具題奉

聖旨是這未獲賊首還着鎮巡官嚴督守巡等官設法擒拏務要得獲不許怠玩欽此

為地方賊情事

看得建昌縣賊首吳十三等統領強盜八十餘人打破縣門殺人放火劫庫劫囚一節查得前項賊情已該本部節次具奏奉

欽依責限拏及行巡按御史將誤事人員查叅具奏今彼處官司雖已擒獲賊衆數多其賊首吳十三尚未得獲却又備慮不謹以致吳十三復又聚衆強劫庫獄放火殺人若不嚴行督捕誠恐為患益深合

無本部行文巡撫江西都御史孫燧等嚴督該道守
巡捕盜等官運謀設法務將吳十三等日下得獲以
絕禍端如果得獲准贖前罪若仍延玩致賊滋蔓難
圖從重叅究決不輕貸仍咨都察院轉行巡按江西
監察御史通將前後誤事有罪人員查叅明白具奏
處治正德十三年十月初八日具題奉

聖旨是這賊首未獲又復聚衆行劫該道守巡捕盜
等官好生誤事便着巡撫都御史嚴督各該官員上
緊用心緝拏務在日下擒獲以安地方若仍前怠玩
從重治罪前後誤事人員還着巡按御史查叅明白

來說欽此

為嚴操備以固江防事

看得南京守備太監黃偉等會同守備成國公朱輔
協同守備西寧侯宋愷叅贊機務兵部尚書喬宇將
給事中孫懋建言嚴操備以固江防六事開立前件
議擬明白及稱給事中孫懋所奏查照都御史王守
仁提督事例重加委任一節未敢擅擬伏蒙

聖諭令臣等還再看詳了來說臣等謹將所議六事
看詳明白各又開立前件議擬明白合無行令各官
逐一舉行各另回奏不許虛應故事臣等又詳議得

都御史王守仁係差出在外官員可以專制行事南京操江都御史係在京官已加有提督名目同事者有武職大臣比與王守仁事體不同況有內外守備重臣并叅贊機務本兵大臣總統留都重務其操江都御史難以獨重其任合無請

勅一道齎付南京內外守備黃偉等并朱輔宋愷及專管操江南和伯方壽祥提督都御史劉玉將各營軍馬整點揀選如法操練沿江上下一帶專責方壽祥劉玉設法督委巡船認定地方輪流住泊往來巡哨遇有賊情一面截殺一面飛報黃偉等量事輕重

斟酌邊備巡船官軍敢有失於哨報以致失機比擬
望高守哨之人失於飛報以致陷城損軍者律坐以
斬罪若所報聲息重大先將原設操江官軍令方壽
祥等統領相度江津要害去處設法拒守隨行大小
教場并神機營官軍整點應援務使南京內外軍
民沿江屯堡保固無虞斯副重託仍將防禦方略預
先會議停當操演教習大振軍威臨期火速督發布
置不至張皇失措如或故違致有驚擾國典具存必
不輕貸正德十四年六月初三日具題奉

聖旨是都准議行欽此

計開

一擇將領前件查得南京衛分軍職數多各營該用把總數少似不乏人况查無外衛官調註京衛聽用事體擅難起例合無行移南京兵部查勘南京各營把總有缺如果京衛官員缺人推用不拘常例訪舉外衛相應官員具奏行取定委把總聽於京倉分俸關支養贍事故徑回原衛不必註調

一揀兵卒前件合無照正德七年例行移南京兵部會同內外守備等官再行揀選精壯官

軍先儘新江口官軍補足以備調用將選過
軍數回奏查考其要優恤官軍一節緣軍人
不得飽衣煖食豈能殺賊誠當優恤但天下
軍人應得月糧并賞賜冬衣布花俱有定制
難便增添合行南京戶部將各軍月糧布花
務要依期支給各沾實惠及行巡倉御史嚴
加禁約不許管隊人等冒支侵剋如遇下教
場比較弓馬內有騎射精熟或武畧過人者
聽提督操江都御史公同操江武職大臣量
加賞犒以來激勸合用銀兩於南京兵部收

貯無碍官錢內動支造冊查考其各軍住宿
窩鋪既稱舊有損壞合行南京兵部委官會
同南京工部委官依擬脩理添蓋亦要回奏
查考不許視為虛文

一利器用前件依擬驗看退換回奏查考外有
江上應用火銃弩弓等項聽提督操江都御
史等官從宜脩置應用

一備船艦前件看得大戰船止有三百四十隻
又五年一脩十年一造却額外添選主事一
員專管脩造未免官冗事少無用况南京各

部事簡原設部屬官自可無理及造船不完
不在無官專管多因缺少物料及議得先年
置造戰船軍多船太專為江中迎遇大敵之
用今南京操江官軍數少止可兼習水步戰
陣把截江津要口保障京城斯為得策若多
造大船軍少不勾駕使又不可離京遠巡豈
不徒費無用所以近年會議不必多造大船
多造巡船以便巡哨誠為有見合無行移南
京兵部會同南京工部各委官帶一員先將
巡哨船一百隻脩理完備撥定官軍委官管

領操演水戰仍定與地方令其輪流往泊往來巡哨遇有賊情一面飛報守備叅督操江等官會議發兵沿江立寨拒守一面相機截殺若有前項巡船軍人不習駕船將正德六年招募壯勇水手查取充補照例給與口糧事畢之日將脩過船隻數目撥過軍人水手姓名回奏查考其大戰船待後有料另議選補

一濬河港前件合無行移南京兵部會同南京戶工二部計議如前項應脩巡船一百隻見

缺物料准於巡倉御史發下寄庫銀內量支
轉辦物料脩理完報其餘依擬雇夫挑濟施
行工完之日回奏查考

一教水習前件合無行移南京照依前擬查取
正德六年奏准雇募壯勇水手應用如已放
回行操江都御史依擬召募收發教習照例
支給口糧工價回奏查考

為嚴謹門禁以杜不虞以固根本事

看得南京給事中易瓚奏稱地方飢荒奸謀不軌之
流言日至都內軍民驚惶乞要從長計議轉行南京

六科十三道選委素有風力給事中御史各一員不時點開關防奸細每朔望日期取具結狀守門官員賣放捐勒等弊指實叅奏問罪一節無非思患預防之意不為無見臣等議得留都重務責在內外守備叅贊重臣防奸禦侮當行事務不止嚴謹門禁一端且京城十三門亦非二三人不時巡點所能齊整但事遇疑難必須通鑾會議處庶使人知警策有備無患見今南京內外地方災荒人心委的驚惶合無請勅內外守備叅贊等官黃偉徐輔喬宇等遵守舊例嚴謹關防操練人馬振揚威武各門守把官軍務要

設法查點令其常川在門毋容寬縱擅離職役仍不
為常例行南京科道每月輪差給事中御史各二員
同南京兵部委官每月二次出其不意分投點閘如
有不到官軍開行南京兵部拘提送問干碍守門軍
職依律奏請取問以後地方豐熟軍民安業照舊其
南京守備叅贊等官與科道官員務在用心協力共
濟時艱不可自分彼此致生嫌隙如或乖違致有誤
事國法公議必有所歸正德十四年六月初三日具
題奉

聖旨便行與內外守備并叅贊等官知道欽此

為地方賊情事

看得巡按江西監察御史王金奏稱打劫建昌縣庫
獄賊犯陸續拏獲七十餘名但賊首吳十三潛躲尚
未就擒除嚴督守巡捕盜等官統率兵快密切挨拏
一節緣吳十三率眾打破建昌縣門殺人放火劫庫
等因情犯深重今奏雖稱嚴督緝捕誠恐日久怠玩
致貽後患合無本部行文江西巡撫都御史巡按御
史會同三司官督調軍兵小探踪跡設法擒捕務要
得獲其得獲賊首吳十三之人有官者陞實授一級
仍賞銀二百兩無官者給授七品散官賞銀三百兩

賊夥內有能擒斬送官者照依常人一體陞賞數人
共獲首賊為首者陞授官職為從者賞銀均分敢有
將吳十三窩藏及指引躲避者依律治以重罪限半
年以裏不獲巡按御史照依原擬將前後誤事有罪
人負查叅明白具奏處治正德十四年六月初六日
具題奉

聖旨是這賊首吳十三率眾打破縣門殺人放火劫
庫劫獄情罪深重便着鎮守撫按三司等官督調軍
兵設法擒捕遷出榜曉諭各該地方軍民人等有能
得獲首賊及夥賊內擒斬送官并數人共獲的分別

首從各依擬陞賞敢有窩藏在家及指引躲避的各
依律治以重罪如限外不獲巡按御史通查前後誤
事人負叅奏來說欽此

為緊急軍情等事

臣等會同太傅定國公臣徐光祚等議得南京內外
守備太監等官黃偉等奏據九江守備署都指揮僉
事楊銳呈六月十六日德化縣老人羅倫民人汪鳳
飛報江西省城事變緊急九江衛舍人喬達報稱六
月十四日將孫都堂壞了探報之人不敢進城一面
會差人負前去彼處密切體勘至日另行具奏又奏

據舍人武安等口報六月十八日在於安慶府地方
探得江西寧王船隻到於湖口將彭澤等縣放火燒
毀大小船約有數百餘隻上下行往要來南京等情
詳其所奏惟據羅倫汪鳳喬達武安四人口報不見
九江安慶府衛官及彭澤縣官印信文書及稱體勘
至日具奏即今未見奏到但既該南京守備叅贊官
連奏十分緊急軍情相應急為議處合無請

命將官一員掛平賊將軍印充總兵官關領

符驗旗牌挑選各營精銳官軍三千員名各給賞賜
銀兩布疋交兌正驛馬匹關給軍火器械上緊前去

南京相機戰守再有的報就便會合征進再請
勅一道及關旗牌八面副差人馬上齎與南和伯方
壽祥挑選南京各項堪用精銳官軍專一統領遇警
相機截殺應與內外守備叅贊官計議者公同計議
而行再請

勅一道差人馬上齎與南京戶部尚書王鴻儒專一
整理南京并南直隸地方及征進官軍合用軍餉或
動支所在官司見在倉庫錢糧或將起運糧米截留
務在處置得宜軍餉不乏凡事悉聽便宜而行前項
平賊將軍所領征進官軍戶工二部以作急差官二員

先行沿途預備行糧準料槽鑊鍋釜等項到彼應付
再各請

勅都御史王守仁秦金李充嗣叢蘭各選調堪用官
軍民快親自督領王守仁於江西東南要路秦金於
長沙醴陵縣及黃州府蘄州等處李充嗣於鎮江等
處叢蘭於瓜洲儀真滁州沿江一帶地方各住劄把
截相機行事王守仁仍委浙江布政司左叅政閔楷
選募處州民兵統領定擬住劄地方聽調策應各官
所領

勅內各備載前項遣將調兵事宜彼此通知如遇有

警互相傳報會合策應相機剿捕再請

簡命堪任南方將官一員請

勅一道量帶衆隨官軍星馳前去湖廣會同鎮巡官
挑選官軍一同秦金前去通連江西要路住劄相機
行事事頗寧息就令鎮守江西換與

制勅齎付欽遵行事一事寧裁軍再請

勅一道齎付都御史土守仁不妨提督軍務原任兼
巡撫江西地方前項所報江西軍情如果南京守備
差人體勘再有的報聽前項領軍官出給榜文告示
遍發江西地方張掛傳說曉諭但有能聚集義兵擒

殺反逆賊犯者量其功蹟大小封拜侯伯及陞授都指揮指揮千百戶守官世襲賊夥內有能自相擒斬首官者與免本罪仍具奏乞奪量加

恩典不許乘機挾_仇害安殺平人仍將前項事宜請

勅一道齎付南京內外守備叅贊官知會遵守其都督李昂馬澄各給旗牌六面副應用正德十四年七月十三日具題奉

聖旨這江西寧王謀為不法事情重大你部裏既會官議處傳當朕當親統六師奉

天征討不必命將先差安邊伯朱泰領兵為前哨徑

趨南京都城相機剿殺太監張忠左都督朱暉領兵
撲江西省城搗其巢穴王鴻儒着整理軍餉其戶工
二部差官二員已有旨差侍郎王憲并各部屬官就
令上緊先行前去沿途預備行糧料草鍋爇槽鑊等
項到彼應付前項官員不必再差江西湖廣蘇松廬
鳳等處把截還着太監總兵都御史協同相機行事
其各官所領勅內各備載調兵事宜互相馳報軍門
湖廣通連江西要路住劄仍着彼處鎮巡等官相機
行事其江西鎮守總兵官待地方事頗寧息之日另
行議處王守仁暫且准行其巡撫江西都御史另行

推舉南京防守事宜并出給榜文及方壽祥朱昂等
事情准議行各寫制勅與他欽此

為傳奉事

正德十四年七月十三日酉時該司禮監太監蕭敬
等節該傳奉

聖旨一面前去浙江湖廣着落鎮巡等官差委的當
人員各於通行路口嚴加把截預備官軍水手船隻
并調漢土官軍各相機應援進剿一面前去河南着
落鎮巡等官選調汝寧府信陽州光州羅山光山商
城固始等縣義憤扒山精兵民壯五千名差委的當

人員管領取路前去相機應援進剿欽此除把截路口預備官軍水手船隻并調漢軍另行外其調土軍一節未奉

明旨調取何處土軍查得湖廣永順保靖等處土軍自来征進徭獍苗賊方統調取正德七年調廣西土軍征江西流賊乘機搶刦為害地方見今永順保靖土官讐殺勘問未結今要調來江西誠恐乘機生事致有他虞合無行令湖廣鎮巡等官止將本處衛所官軍揀選徵調把截策應及汝寧府所屬州縣民壯行巡撫都御史沈冬魁督同守巡等官親詣地方額

設民壯數內量數選取編成隊伍委官管領仍各給
衣糧加意撫恤聽候明文調取不許有司官吏一槩
編餘勾擾致有激變罪必有歸正德十四年七月十
四日具題奉

聖旨湖廣官軍依擬行其揀選汝寧府民壯務足五
千之數定擬住劄去處聽候調用欽此

為分理緊急公務事

看得左侍郎王憲奏要乞

勅各部選差能幹郎中各一員與先差東魯等分投
兩路整理臣往來提調水陸並進所至不乏又稱官

軍征進事情緊急應不添官兩路整理伏乞

聖明定奪等因臣等議得即今安邊伯朱泰等前哨人馬先發必須陸路前去庶不遲誤合無令侍郎王憲先差東魯等三員由陸路前去整理王憲亦從陸路隨後管理再於戶工二部堂上官內請

旨簡命一員請

勅欽遵行事仍隨帶部屬官三員前去水路整理庶各分責任兩不妨誤正德十四年七月十五日具題奉

聖旨是戶兵工三部各再差左屬官一員前去水路整

理只着王憲往來水陸提調欽此

為緊急賊情事

看得守備鳳陽太監丘得奏據守備儀真都指揮馬
良呈蒙南京內外守備票帖據舍人武安等口報江
西省城事變等情乞要

簡命謀勇文武大臣督調人馬前去保障地方及暫
留秋班官軍協守一節先該南京內外守備等官太
監黃偉等奏前事已該本部會多官計議請

勅巡撫淮揚等處都御史叢蘭等調集官軍前去瓜
州儀真等處沿江一帶地方把截防禦外今奏別難

再議合無准其所奏將鳳陽等八衛所今年秋班官
軍暫留在彼防守候事寧之日仍發赴京操備正德
十四年七月十五日具題奉
聖旨是欽此

為十分緊急軍情事

照得江西地方節報事情緊急已該本部會同官計
議命將征剿及請

勅湖廣蘇松南贛淮揚等處都御史調兵防剿外今
照浙江地方與江西地界相連生元年江西流賊猖獗
曾差都御史陶琰在彼巡視乞

勅吏部照例會官推舉附近浙江素有才望諳曉兵
畧官二員請

旨簡命一員巡視浙江地方兼官南直隸徽州一帶
通賊去處選調本省官軍民快并先擬叅政閔楷所
領處州民兵於要害地方住劄相機戰守候

命下之日請 勅一道差人馬上賫付本官令其兼
程前去欽遵行事合用

符驗關防并吏典家人俱照例關領撥給事寧之日
裁革正德十四年七月二十一日具題奉

聖旨是巡視浙江地方官便上緊堆素有才望的兩

員來看欽此

為飛報軍情急缺官軍防守事

看得鎮守河南太監劉璟奏稱會同巡撫都御史沈冬魁巡按御史王以旂喻茂堅議得江西事情緊急南京戒嚴河南與南直隸接境防範尤所當急乞要將河南都司京營宣府大同秋班官軍暫且存留操守聽臣等調度保障地方一節合無准其所奏將河南都司原撥京營宣府大同秋班官軍俱暫且存留本處定擬住劄地方各令原領班都指揮等官統領操練嚴加鈐束點閱聽候有警從宜調用仍須按月

關與月糧撫恤得所不許故縱蠹放及科害不得安
生逃走以致臨期誤事叅究治罪候事寧息照舊各
赴京邊操備不許違誤正德十四年七月二十二日
具題奉

聖旨是欽此

爲飛報緊急軍情事

看得南和伯方壽祥都御史劉玉各奏江西九江府
地方盜賊勢甚猖獗乞要命將領兵星馳前去攻
剿一節與南京內外守備太監等官黃偉等所奏大
畧相同伏乞

聖明速發前哨安邊伯朱泰人馬上緊先去南京相機戰守及速降

勅書差人分投馬上齎送各該巡撫都御史王守仁等作急徵調水陸軍兵戰船火器等項會合策應乘機剿捕正德十四年七月二十四日具題奉

聖旨是這地方賊勢猖獗着前哨安邊伯朱泰人馬照前旨着上緊先去相機戰守還鋪馬賞文着各該巡撫都御史徵調水陸軍兵戰船等項會合策應欽此

為黨惡劫虜官糧船隻事

看得湖廣巡撫都御史秦金巡按御史毛伯溫奏稱
據運糧千戶蔣睿等呈前事江西吳城水次兌糧六
月十六日辰時分忽有黑座船一隻帶領小哨船百
有餘隻稱係寧王差來將帥熊內官將各處運糧官
綁打虜至樵舍驛開放分付各職十九日早領紅圓
領帶軍朝見給散軍器發哨等語十八日二更時分
偷身逃命回衛又據黃梅縣清江巡檢司飛報江西
強賊三四千名船隻百號馬匹數多自稱寧府各穿
紅皂號衣執持兇器住劄安營又據蘄州申六月十
九日承淮九江府印信飛報江西西山盜賊突起聲

勢猖獗隨會案行委布政方璘僉事汪玉都指揮僉
事劉璋統領武左二衛官軍并起取民兵共一千員
名前去蘄州兼同本處民兵操備遏守及將正德十
三年見在充軍糧米搬入附近府州城內收貯以備
緊急支用奏乞大彰

天討速賜施行等因查得先該南京內外守備太監
黃偉等即奏江西事情已該本部會同官計議請
命將官領兵前去南京相機戰守及請

勅各該都御史李充嗣叢蘭秦金王守仁等調集官
軍民快會合防禦剿捕等項事宜節該題奉

欽依朕親統六師奉

天征討不必命將先差安邊伯朱泰領兵為前哨徑趨南京都城太監張忠左都督朱暉領兵撲江西省城搗其巢穴欽此隨該本部議擬乞請

欽定征進官軍數目開給賞賜盔甲馬匹等項上緊前去今湖廣巡撫巡按官亦奏前因事情緊急再不可緩伏乞

聖明大彰

天討速發朱泰前哨人馬先行務在八月二十日以前到於南京傳播先聲宣布

威武龍服奸宄安定人心張忠朱暉相繼出兵搗其巢穴仍乞作急寫

勅差人馬上分投星夜賁送都御史李充嗣叢蘭秦金王守仁南和伯方壽祥等各照會官原議題准及傳奉

勅旨事理欽遵防禦剿捕一應用兵事宜悉聽便宜施行正德十四年七月二十四日具題奉

聖旨隨駕征討官軍家將一千餘員名宣府延綏遼東京操標下前鋒神機營等項官軍共五千五百餘員名京操將楊玉營三千餘員名宋燾營三千員名

遊擊林睿管三千餘員名河間真保定遠官軍餘三千餘員名搗其巢穴都着上緊前去剿捕其餘俱依擬行欽此

為緊急軍情事

看得巡撫蘇松等處都御史李允嗣巡按直隸監察御史胡潔葉忠所奏與南京內外守備等官太監黃偉等所奏俱據楊銳呈報中間情節增減不同李允嗣胡潔葉忠今奏內俱稱據廣東客人張富船戶戚勝報稱六月十六日在鄱陽湖南康府地方被賊船將客商劫去財物殺傷人口南京守備等官奏內俱

無此情今奏內又稱據九江衛指揮使司申六月十六日二更時分據德化縣老人羅倫等飛報江西省城事變緊急南京內外守備等官奏內止稱楊銳據羅倫等口報亦無據九江衛通申緣由及南京內外守備等官前奏內稱舍人武安口報寧王船隻到於湖口將彭澤等縣放火燒毀要來南京今李充嗣等奏內亦無此情切緣各官口會奏俱據守備官楊銳呈報中間情節增減不一竊有可疑及看李充嗣奏內又稱今報前情干係緊急重務但稱探報之人不敢近城中聞事體未審端的一面差人前去彼處密切

體勘至日另行具奏尤以可疑除防禦事宜已該本部會多官計議調發各路人馬相機行事再有的報會合進剿及欽奉

聖旨朕親統六師奉

天征討不必命將先差安邊伯朱泰領兵為前哨徑趨南京都城太監張忠左都督朱暉領兵撲江西省城搗其巢穴欽此欽遵通行外今奏別無議處但九江守備官楊銳告變自六月十四日至今已經一箇月都御史李克嗣當時差人前去江西密切體勘至今日又未見具奏中間恐有別情合無本部於在京

各衛選取慣能走馬諱勇軍職官二員給與火牌及
雙馬關文令其晝夜前去沿途直抵江西探聽體察
途中遇有警報審問的確就令所在官司具印信本
差人星馳具奏本官到於江西地方體勘的報取具
本處官司印信文書星馳回奏不許止憑傳聞輕信
及在途遷延失誤事機如違治以重罪各該地方隱
匿軍情官員移咨都察院通行各該巡按御史候事
稍寧查勘明白作急奏拏解來京依律治以重罪
不許故縱姑息正德十四年七月二十四日具題奉
聖旨是欽此

為緊急賊情事

仰惟

皇上神謀睿算周悉萬全即今朱泰張忠朱暉等各遵指授方畧上緊前去各路進兵江西地方腹背受敵罪人不日就擒大功可成矣臣等又慮即今秋高馬肥北虜便於馳騁之時京畿地方盜賊不時生發皆當預防况四方奏報事情月無虛日內有緊急事情俱要速賜裁處今朱泰等既已奉命前哨先行伏望

皇上居中制外持重馭輕待後再有警報另行議處

正德十四年七月二十四日具題奉

聖旨近該南京守臣節奏宸濠悖逆事情朕當奉

天討賊已有旨行了恁各官正宜發奮彰討以安宗社如何驟來諫阻不准今後敢有犯顏奏擾的朕必以大法治之該行的事恁部裏上緊發行毋致再擾欽此

為十分緊急軍情等事

看得南京內外守備太監等官黃偉等及巡撫都御史李充嗣各奏稱正德十四年六月二十七日酉時據守備九江都指揮楊銳同安慶府知府張文錦呈

據爪探軍人陳重報稱江西縣城江有南直隸湖廣
南京等衛糧船交兌江西內官帶領賊徒將前各衛
糧船盡行邀趕省城又有熊內官帶領賊船二百餘
隻賊徒約有二三千在九江湖口等處江面分布遇
有官民糧食捉邀江西壯丁收留差去爪探人役陳
鸞止到吳城山康鸞止到九江對岸不得實信又據
客人魏玉報稱賊徒叫言我王府七月初四日啓行
先到安慶次下南京又訪有小船六十餘隻粧作買
賣船陸續徑至儀真相聚要掘五埧儀真下関俱有
王府吊船江西亦無撫按三司行事爪探人俱不得

入境南京兵仗等局內使陳宣等曾在江西逃出恐
是先定之計院中樂工與江西大小院樂戶徃來最
厚恐有奸細通行查出行令各該衙門收拘外都御
史李充嗣奏內又稱傳聞江西三司等官多被殺害
其餘俱各囚禁要行分兵取路徽州水陸並進及稱
蓄謀既久變詐多端南北水陸向往俱難逆料乞要
從長議處保守安慶上流一帶以固南京藩屏光降
榜文曉諭仍行各巡撫官如果各賊志在南京則調
廬鳳都御史所屬兵將浙江處州等處官軍民兵前
來協同戰守或固守巢穴肆出虞掠則調湖廣者往

史秦金南贛都御史王守仁帶領荆楚閩廣八馬并
行操江都御史劉玉選帶南京直隸兵將前去應援
仍行浙江調兵往赴廣信府地方守把四面夾攻等
因又稱探報之人俱是未曾親至江西省城目擊其
事其間奸謀情狀向往進止消息未委端的除差的
當人真體訪至日另行等因臣等查得先該太監黃
偉等奏報江西事情已該本部會同多官計議請
命將官領兵前去南京相機戰守及請

勅各該都御史李充嗣叢蘭秦金王守仁等調集官
軍民快會合防禦勦捕等項事宜節該題奉

欽依朕親統六師奉

天征討不必命將先差安邊伯朱泰領兵為前哨征
趨南京都城太監張忠左都督朱暉領兵撲江西省
城搗其巢穴欽此隨該本部議擬乞請

欽定征討官軍并先差朱泰張忠朱暉各領官軍數
目上緊前去具題外今各官又奏前因雖稱探報之
人未曾親至江西省城奸謀情狀未委端的但湖口
一帶賊勢縱橫已有顯跡必須及早發兵庶不誤事
伏乞

聖明大彰天討速發朱泰前哨沐鴻先行務在八月

二十日以裏到推南京傳播先聲宣布

威武龍服奸宄安定人心張忠朱暉相繼出兵搗其巢穴以後再有奏報量事緩急另行議處仍乞作急
馬勅差人馬上分投星夜賁送都御史李充嗣叢
蘭秦金王守仁南和伯方壽祥等各照會官原議題
准及傳奉

初旨事理欽遵防禦剿捕中間水陸戰守合用軍馬
船隻等項事宜悉聽各官運謀區畫便宜施行其儀
真瓜洲閘埧行都御史叢蘭催調守備石堅上緊前
去公同儀真守備督同府衛等官搜捉奸細嚴加防

守正德十四年七月二十四日具題奉

聖旨是湖口一帶地方賊勢縱橫既有顯跡未泰前哨人馬上緊前至南京防守剿殺張忠朱暉相繼出兵搗其巢穴其餘依擬行欽此

為十分緊急軍情事

看得巡撫河南地方右副都御史沈冬魁及巡按御史王以旂喻茂堅各奏據守備歸德署都指揮石堅呈稱蒙守備鳳陽大監丘得牌仰整搦所部人馬并敢勇家丁人等定限七月初六日前赴鳳陽衛護乞要查照本官原擬責往照舊守備若果該調用暫委

奉都司諒勇官一員提督控制一節近該南京同小
守備太監黃偉等奏報江西事變沿江一帶地方并
儀真關埧係干運河要津乞正安發軍防禦已該本部
會議行都御史叢蘭等徵調軍兵沿江把截及調歸
德守備署都指揮石堅前去專一防守儀真瓜洲二
埧外今奏要留石堅照舊守備歸德難准合無令沈
冬魁等上緊督發石堅前去儀真防守不許時刻阻
誤其歸德地方聽河南鎮巡官暫委相應官員代管
正德十四年七月二十四日具題奉

聖旨是石堅着上緊督發前去儀真地方不許阻誤

欽此

為傳奉事

正德十四年七月十三日酉時該司禮監太監蕭敬等節該傳奉

聖旨仍着兵部馬上賁文一面前去着落各該軍衛有司預備馬匹船隻并一應利於水戰器具及水陸熟知鄉道水手等項人役俱聽軍前應用再於河南選取久慣會水水手二千名調赴淮安伺候聽用欽此欲便遵依馬上差人賁文前去但未奉有

明旨經過何處水陸道路着落何處軍衛有司各預

備馬匹船隻若干及利於何處水戰器具孰知
何處水陸鄉導水手等項人役誠恐行文不明
臨期失誤及訪得南北江河駕船水手各習知
本處水勢若令河南黃河水手前去江面駕使
船隻恐難應用况一時選取二千名誠恐緩不
及事伏乞

明旨開示經過水陸道路合用馬匹船隻數目
以便通行遵守其合用水手裏河於沿河一帶
取用江上於鎮蘇常三府取用俱量定數目聽
左侍郎王憲行委工部屬官預先處置聽用正

德十四年七月二十四日具題奉

聖旨裏河及江上水手各依擬着王憲調取務足二千之數應用欽此

為速出師以固重地慎選將以戡亂本
事

看得御史蕭淮奏稱近聞六月十三日叛軌已發十四日首誅撫臣十八日燒彭澤縣乞要速為命將出師乞

勅遣事衙門將潛住京師探報事務之人訪察擒拏及行沿途水陸官司設法盤詰一節近該南京內外

守備等官太監黃偉等據九江守備署都指揮楊銳呈據德化縣老人羅倫等口報江西事情正德十四年七月初十日節奉

聖旨這所奏事情兵部便會多官議了來說欽此當於本月十一日會同五府六部都察院通政司大理寺六科十三道官將調兵征剿等項事宜計議明白具奏奉有

欽依及節該傳奉

聖旨內事理俱各欽遵通行外今奏別無議處其奏要行緝事衙門訪拏潛住之人及行沿途盤詰一節

合無依其所奏施行正德十四年七月二十四日具
題奉

聖旨是潛住探聽之人着緝事衙門用心訪拏并着
沿途水陸官司設法盤詰欽此

十分緊急軍情事

看得南京內外守備司禮等監太監等官黃偉等奏
稱正德十四年六月二十六日該巡按直隸監察御
史胡潔呈據安慶府呈報本月二十一日據機兵白
杞等并二十二日據軍人張景各稟報自九江地方
回還被虜走出親見九江城破賊人搜印與官乞要

命將率領邊軍兼程前來仍催促行取官兵併力征討一節近該南京內外守備叅贊等官太監黃偉等節次具奏該本部會同官計議調兵征剿等項事宜具奏奉有

欽依及欽奉

聖旨朕親統六師奉

天征討不必命將先差安遠伯朱泰領兵為前哨徑趨南京都城相機剿殺太監張忠左都督朱暉領兵撲江西省城搗其巢穴欽此欽遵通行外今奏別無議處正德十四年七月二十四日具題奉

聖旨是欽此

為緊急軍情等事

伏乞

上裁將征討官軍并先差朱泰張忠朱暉各領官軍
數目及征討官軍并前哨官軍各給與賞賜銀錢兩
布幾疋俱乞早

賜明示轉行各該衙門上緊關領賞賜軍器及應付
廩給口糧料草等項庶不遲誤合無再差給事中御
史各一員請

勅先同朱泰等前去紀功仍聽左侍郎王憲總管紀

驗正德十四年七月二十四日具題奉

聖旨隨駕征討官軍家將一千餘員名宣府延綏遼
東京操標下前鋒神機營等項官軍共五千五百餘
員名京操叅將楊玉營三千餘員名宋督營三千餘
員名朱泰統領延綏副總兵朱鑾營三千餘員名叅
將瞿江營三千餘員名大同叅將陳鈺營三千餘員
名為前哨張忠朱暉統領遼東叅將蕭澤營三千餘
員名遊擊林霄營三千餘員名河間真定達官軍餘
三千餘員名擄其巢穴每人賞銀五兩布二疋都着
上緊照數關領給散其給事中御史各差二員隨同

朱泰張忠朱暉前去紀功仍聽王憲總管紀驗欽此

為調取京操人馬事

查得順天府所屬州縣寄養馬匹見在數少及今年各處該解馬匹多未解到為因征進見今各起官軍不時交兌馬匹未有定數相應急為議處預備合無本部行文太僕寺將順天等府寄養好馬量數調取及將保定等府所屬州縣原養種兒好馬先儘近京地方調取二千匹行令點馬少卿并分管寺丞坐委管馬官責限上緊解京敢有遲誤依律治以重罪誠恐所在官司不聽寺丞催理再行各該巡撫都御史

差人分投守催其宣府調米缺馬官軍若在居庸關
交兌誠恐兩相耽誤合無待候到京之日交兌伏乞
聖裁正德十四年七月二十四日具題奉
聖旨是欽此

為預處兌軍馬匹事

查得先因左侍郎王憲咨要本部行兩京太僕寺分
管寺丞將寄養并備用及種兒騾馬先期調取經過
府州縣伺候換補開無經過道路咨回查報今侍郎
王憲回咨若由中路往高陽等處直抵山東德州若
由西路往慶都等處直抵臨清一帶二路所由既未

一定若調往東必誤於西若調往西必誤於東况保
定以南原無寄養馬匹其備用馬匹又多嚴限解京
止有種兒騾馬又恐不堪騎征况未定有日期若不
計議停當開示明白一槩混行分管寺丞催逼小民
分路牽趕赴軍交兌不惟負累民苦抑恐耽誤軍期
及照各項征進官軍發行之時俱已兌有正馱馬匹
沿途不過恐有生病倒死數亦不多合無行令侍郎
王憲會行領軍官沿途遇有倒死馬匹就令所在官
司相視收貯皮張及有生病馬匹亦就寄留所過官
司喂養各於所在官司取兌不分備用種馬及里甲

馬俱准兌換若所過官司馬不勾兌聽於隣近州縣
取兌畢日各聽分管寺丞查明備行兩京太僕寺造
冊繳部查算開銷仍將交兌過總數具奏務要一馬
兌換一馬不許乘機混亂抵換盜賣如違聽各該巡
按御史舉奏究治正德十四年七月二十七日具題
奉

聖旨是欽此

為兌給馬匹事

查得安邊伯朱泰部下所統徑趨南京三營官軍共
九千員名在於保定府住劄候兌馬匹未知缺少正

馬若干其馱馬若以三人一匹計之該用馱馬三千匹欲行太僕寺查勘附近保定府州縣未起解備用馬匹儘數存留就彼交兌大約以四千匹為則如不足數於見解到備用馬及取到寄養等項馬內湊數撥發前去交兌仍行該管寺丞督同府州縣掌印管馬官查照兌給前項官軍數內退下不堪馬匹就發相應州縣寄養聽候議處事畢之日備細造冊呈部定奪正德十四年七月二十七日具題奉

聖旨是欽此

為十分緊急軍情事

得得太監黃偉等奏據守備都指揮楊銳呈六月二十七日賊船到安慶府放火攻圍府城人少力孤乞要督發京邊官軍及各路民兵各請

勅一道差人星馳催促前來併力征剿一節臣等料得賊船六月二十七日已到安慶至今將及一月若不急催京邊官軍前去誠恐賊到南京攻圍豈不失誤軍機伏望

皇上急命朱泰前哨人馬三五日內啓行仍乞速降勅書差人分投星馳賁送各該巡撫都御史交割調集各路民兵會合擒剿庶不悞事正德十四年七月

二十七日具題奉

聖旨是着朱泰八月初三日起行統領前哨人馬上
緊前去調集各路人馬會合擒剿欽此

為緊急軍情等事

看得河間真保定達官軍舍餘三千餘員名合無馬
上差人賁文交與巡撫保定等府都御史伍符即便
督同叅將盧英并管達官都指揮柴鏜安欽孔璋等
將所管達官軍餘揀選精銳堪戰三千餘員名就令
柴鏜安欽孔璋充為千總各分統領合用馬匹就於
附近州縣寄養及該解補用馮內取撥如不足數聽

將種馬騾撥盛甲軍器亦於所在官司見收貯及該
解京軍器內取用本部仍行太僕寺速行分管寺丞
會同都御史伍符查撥及咨工部行差去屬官并保
定等府各查照給撥俱不許推託遲誤如有故違以
致失誤軍期聽領軍官叅奏治以重罪前項真保定
河間達官軍餘合用賞賜布疋行文戶部交付差去
屬官押運到彼給散正德十四年七月二十八日具
題奉

聖旨是保定達官軍餘着伍符盧英整點齊備待太
監張忠都督朱暉到彼挑選三千餘員名就令柴鏜

安欽孔璋充為千總統領前去征剿馬匹賞賜等項
俱依擬行欽此

為斷大義除大逆以安 宗社事

看得南京六科給事中孫懋等十三道御史熊允懋
等各奏江西反逆事情要本部會議推選憲臣武將
及今附近南贛都御史王守仁湖廣都御史秦金江
西南直隸等處巡撫等官出榜召募義勇寬釋脅從
等因無非欲正大義行

天討早除暴亂奠安

宗社之意與本部會官議奏及節次議處題奉

欽依事理相同雖已次第施行合再申明合無本部
將各官所言事理通行南京各衙門及南贛湖廣江
西江北直隸各該巡撫巡按等官查照節次奉到
勅旨及黃榜內事理欽遵并今給事中孫懋等御史
熊允懋等所奏事理依擬防剿施行如有違慢失
咎必有歸正德十四年八月初一日具題

為緊急軍情事

看得鎮守山東太監黎鑑等奏報江西寧府反逆事
情與南京內外守備太監黃偉等節次奏報相同其

征進事宜已該本部會官議奏即奉

勅旨統兵征討及通行各該巡撫都御史調集官兵
會合勦捕外今鎮守山東太監黎鑑等亦奏要議處
人馬防禦緣江西離山東雖遠思患預防未為不宜
臣等仰惟我朝大

封同姓不許臣庶訐王過失所以篤親親之誼為夾
輔之圖豈期寧王恃

恩驕恣之行不義故違

祖訓招誘叛亡一旦舉兵北向殺害守臣都御史孫
燧等守元不屈安慶守備楊銳知府張文錦拒敵固

守遇其先鋒饒州廣信等府官員聞警設備無一人肯從都御史李充嗣秦金王守仁叢蘭并太監丘得等各路調兵把截防禦南京守臣盡心區畫設備防守差人飛報不止一次今山東鎮守巡撫巡按官亦奏設備天下臣民雲合響應皆以討賊為急此皆聖祖神宗深仁厚澤在於人心及我

皇上德惠及民

神武布昭之所致也今既恭行

天討大兵四集僭亂削平指日可待合無本部通行南京湖廣江西浙江南直隸河南山東等處各該鎮

巡三司等官調集官軍兵快相機戰守務保無虞一
應事宜雖當以供輸調發為急尤當以撫卹安輯為
先事寧之日各該巡按御史將死節忠臣陣亡義士
及運謀設策保城殺賊有功官員具實奏

請旌表褒贈陞賞懷奸不忠退縮誤事人員指實劾
奏究治正德十四年八月初一日具題奉

聖旨是宸濠大逆不道神人共怒都御史孫燧副使
許達等守死不屈忠義可尚南京守臣盡心區畫協
力防守南直隸湖廣山東河南各該鎮巡等官或調
兵把截或先事預防安慶守備知府及江西各府縣

官員或遇其先鋒或聞警設備皆推誠體國以討賊
為急朕心嘉悅你部裏便馬上差人通行與他每知
道着相機戰守務保無虞尤要撫卹貧窮安固邦本
待事寧之日着各該巡按御史具實陳奏死節陣亡
及運謀設策保城殺賊有功的旌表褒贈陞賞各依
擬行其懷奸不忠退縮誤事的從重治罪欽此

為添設官員以保安地方事

看得巡按直隸監察御史葉忠奏稱蘇松常鎮四府
濱連江海武備廢弛先年曾設兵備副使謝琛任劄
太倉州今據九江等處報稱強賊吳十三等江上劫

掠勢甚猖獗比之謝琛之時尤為可慮乞從長議處
照舊添設兵備一員前來鎮江府住劄整飭四府武
備一節查得蘇松常鎮四府原無設有兵備副使正
德七年暫設謝琛兵備不久都御史王綬具奏裁革
今江西事變鎮江係是南北襟喉相應設備但要仍
設副使恐一時不能得用如江西九江見有兵備副
使曹雷九江城破曹雷不知所在是其明驗查得添
設漕運參將陳璠平昔謀勇可用近年都御史陶琰
巡視浙江調用陳璠殺賊有功奏保堪用即今江南
運道多梗已過淮者自有參將王玉王佐二員催餉

整理合無請

勅一道賚付必將陳璠不妨原任上緊前去分守鎮
常蘇松地方會同巡撫都御史選調各府衛州縣官
軍民壯處給口糧器械加意撫恤如法操練相視要
害地方隨宜住劄相機戰守務在設法運謀保障地
方不許寡謀輕忽致賊占據合用

符驗旗牌照例請給事寧之日具奏裁革正德十四
年八月初一日具題奉

聖旨是陳璠着不妨原任上緊前去分守鎮常蘇松
地方焉勅與他欽此

為會議陞賞則例事

查得正德五年八月內太監張永督軍平定寧夏反逆竇鐸及奏誅逆賊劉瑾二功兄張富弟張容俱陞封伯爵平定寧夏反逆竇鐸副總兵仇鉞封伯爵總兵官署都督僉事楊英陞三級都指揮鄭卿陞二級下手擒安化王竇鐸為首寧夏衛總甲姚幹陞二級為從軍人雷志等三名俱陞一級下手斬獲與竇鐸首謀儀賓夏琳等為首寧夏衛正千戶白鶯陞二級為從總甲陳通等陞一級擒獲與竇鐸首謀何錦為首靈州千戶所百戶馬聰擒獲首謀丁廣為首寧夏

右屯衛左所總甲陸華俱陞二級為從軍人毛禮等
七名軍人李全等六名俱陞一級擒斬與實鐸何錦
等共謀反逆一名顆者為首陞一級為從加賞又查
得大明會典內開載成化十四年申明陞賞功次事
例內地反賊一人擒斬六名顆陞一級至十八名顆
陞三級驗係壯男與實授幼男婦女與十九名以上
并不及數者俱給賞其功次須驗不係一日一處者
方如前例若係一日一處之數止擬一級其餘給賞
擅殺平人報功依律處死本管將官頭目失於鈐束
者問罪輕則降級調衛重則罷職充軍正德六年會

官計議征勦流賊事例一人就陣擒斬從賊一名顆者賞銀五兩二名顆者賞銀十兩為從者俱量賞三名顆者陞實授一級世襲六名顆以上止陞實授二級世襲不及三名顆并不及六名顆者除陞一級外俱扣算賞銀數內原無職役軍民人等不願陞者每三名顆該陞一級不願者賞銀十五兩六名顆該陞二級不願者賞銀三十兩為從者俱給賞緝獲者俱不在此例一人為首二人三人四人五人為從共斬賊級一顆者共賞銀五兩均分陣亡者陞實授一級世襲不願陞者賞銀十兩重傷回營身故者陞署一

級當先被傷者給賞臣等議得寧夏實鑄與江西宸
濠謀反雖同實鑄初發即滅未曾大舉宸濠舉兵四
出攻燒郡邑殺掠軍民竊據江道阻祇糧運震驚中
原勤勞王師罪大惡極又非實鑄之比今大軍征進
若不重懸賞格無以速收成功臣等謹遵欽奉
勅旨將獲功官軍陞賞則例參酌前例分別輕重等
第逐一議擬明白伏乞

聖明裁定候

命下之日備行紀功官查照紀錄造冊奏繳至日兵
部會官再議奏

請陞賞中間領軍等官有能運謀設策擒斬首賊解
散餘黨建立奇功平定地方今擬則例該載不盡者
臨時奏

請大加陞賞不拘此例臣等又議得此舉惟以滅賊
為主若部下之人貪功妄殺玉石不分不惟傷

天地之和召致災異抑恐失百姓之心又生反側合
無行令紀功巡按等官用心察訪如有前弊指實効
奏及不在陣前擒斬但係緝捕零賊難以辨驗者俱
不許徇情一槩紀驗造冊冒濫爵賞有虧公道如違
聽臣等劾奏治罪

計開

一領軍內官將官并提督巡撫等官督領官軍擒斬宸濠者俱封侯下手擒斬宸濠者陞五級本管千總官陞三級把總官陞二級管隊官陞一級

一領軍內官將官并提督巡撫等官督領官軍擒斬隨從宸濠反叛宗室親王人等及隨從宸濠反叛率衆主謀各項用事大首惡劇賊每一名額陞一級武官至左都督正一品而止文官至從一品而止原係伯者五名額以上進封侯原係左都督者五名額以上進封伯不及數者每一名額歲加本

色俸米一百二十石下手擒斬大首惡劇賊者每名顆為首者陞三級為從者陞二級本管千總官每名顆陞二級把總官每名顆陞一級管隊官每名顆賞銀二十兩二名顆三名顆各加賞四名顆以上各通陞一級其擒斬大首惡劇賊務查原係主謀用事有實跡者方准不許將無名賊首一槩充數紀錄

一領軍內官將官并提督巡撫等官督領部下官軍擒斬反叛從賊二百名顆以上陞一級四百名顆以上陞二級若部下有擒斬首謀劇賊者從重論

陞隨伍旗軍人等就陣擒斬賊三名顆為首者
陞一級六名顆陞二級而止為從者俱給賞頒驗
不係一日一處者方准若係一日一處之數止擬
陞一級其餘給賞就陣擒斬從賊一名顆為首者
賞銀五兩二名顆為首者賞銀十兩為從者俱量
賞若一人為首二人三人四人為從共擒斬從賊
一名顆者不分首從賞銀五兩均分前項擒斬從
賊務在陣前擒斬者方准緝獲者量賞不在此例
擒斬幼小賊級一名顆者量賞二名顆以上俱加
賞

一陣亡者陞實授一級軍民人等原無職役不願陞者賞銀十五兩優卹其家

一陣傷回營身故者陞署一級原無職役不願陞者賞銀十兩

一奮勇當先被傷者驗實造冊照依舊例給賞

一前項軍功擬陞官職俱世襲

為飛報地方謀反重情事

看得提督南贛等處軍務右副都御史王守仁奏要將致仕都御史王懋中見任知府伍文定授以緊要職任責其拯溺救焚及將副使羅伯等從權委用又

稱江西寧府逆謀既著若北趨不遂必將還取兩浙
南擾湖湘若不即為控制急遣重兵必將噬臍無及
乞要於見任知府等官陳槐等數內推補本省方面
知府兵備等官速令供職有城守之責者各量陞職
銜重其權勢使可展布又奏照舊收取鹽商諸稅及
借支兩廣軍餉銀一十餘萬以資軍用等因臣等議
得王守仁正往福建處置軍亂事情遠邁宸濠事變
天助其順住守吉安調集兵糧號召義勇牽其舉動
使進不得前搗其巢穴使退無所據臣等會官初議

請

勅王守仁率兵自南而進正為此意今果然矣除推補官員借支軍餉吏戶二部查覆外其要將江西方面知府兵備等官重其權勢使可展布一節除兵備官奉有

勅書行事其方面知府內有城守之責可以委用者合無悉聽王守仁責委或調集義勇相機剿殺或整點民兵固守城池但凡一應用兵事宜從宜定委事有相干大小衙門官員不分軍衛有司悉聽節制調遣敢有故違不服阻誤軍機輕則量情責罰重則具呈都御史王守仁處文職五品以下軍職指揮以下就

便率問奏

請發落事寧之日俱照舊其福建事情行鎮巡官就
彼勘處王守仁不必前去正德十四年八月初三日
具題奉

聖旨是欽此

為請給丘糧以濟急務事

看得巡撫鳳陽等處右都御史叢蘭奏要通將所屬
京操官軍盡行存留分撥沿江要害去處戰守及要
存留解京馬匹本處官軍騎征一節查得叢蘭巡撫
地方京操秋班官軍二萬七千一百餘員名內鳳陽

等八衛一所秋班官軍共八千一百四十員名已存
留本處防守今又奏要盡數存留難以通准合無再
准將近滁州衛秋班官軍三百八十一員名廬州衛
秋班官軍四百五十七員名儀真衛秋班官軍四百
二十九員名揚州衛秋班官軍一千三十七員名共
二千三百四員名與鳳陽等八衛所先存秋班官軍
八千一百四十員名共一萬四百餘員名俱暫存留
本處聽叢蘭等從長計議以近就近分撥沿江一帶
把截防禦如有不敷查得鳳陽等衛所京操春班官
軍止有一萬四千八百二十五員名內有到京者即

今下班回衛未到京逃回者數多俱在原衛所冒支
月糧藏躲影射即次奏行巡撫等官提解因循不理
俱未解報合無行令叢蘭嚴督該管衛所先將春班
逃回及未到官軍拘點齊備姑記其罪各委謀勇官
員統領分撥沿江防禦如獲有功准贖前罪如再逃
躲失事將領班官解京從重治罪軍人解京送問補
班前項存留秋班官軍但遇事寧即便暫發赴京操
備不許假此延緩致誤京營差操重務及照今年備
用馬匹見今征進官軍急缺馬匹交難省有留況江
賊舍舟就陸未必便有馬騎沿江去處亦宜用步兵

於通津道路防守及查近該南京兵部將南直隸滁州等處種馬調取三千前去應用見在者又要預備京軍經過例死馬足交兌今叢蘭等若用馬足令無聽本官於本處種馬或里甲馬匹內重取一二百匹以為採報傳令之用其該解京備用本折色馬匹務要催督上緊解京以備緊急兌軍之用不許假以奏留為詞延緩誤事外必有歸其奏要將漕運米截留二千萬石并將運司查盤及年例解京銀兩俱留本處預備軍馬支用一節合行戶部查議覆奏定奪正

德十四年八月初三日具題

聖旨是欽此

為飛報賊情事

看得知府張文錦奏要早為

命將出師則巢穴易平多留援兵住劄則喉吭易守
再乞將九江衛人船未到充軍糧米本府倉收貯聽
候支銷等因查得江西叛逆賊情見蒙

皇上親統六師征討及先

命安遠伯朱泰前哨先行外及查先該本部會官計
議題准合用軍餉聽將一應起運錢糧截留今奏要
存留九江府充軍米供軍相應依擬合無戶部再行

督理軍餉侍郎李充嗣依其所奏存留撥納以備軍
餉及看所奏多留援兵住劄喉吭易守一節查得九
江安慶等處地方內拱南京外控江右切近江湖盜
賊淵藪之地所以近年議設兵備於九江守備於安
慶專為此故柰何兵備副使所管原無兵馬在外省
九江尚不能行在南直隸畿內豈能行事及守備都
指揮在於安慶駐劄江西地方軍衛有司俱不聽其
約束所以近日九江兵備副使曹雷監兌不在致陷
孤城安慶守備署都指揮楊銳僅能竭力保守一城
不能迎遏九江賊鋒今欲多留援兵住劄莫若添設

叅將京職重其事權調兵集糧大脩武備庶可壓服
人心絕除後患及照守備署都指揮僉事楊銳知府
張文錦平昔既有才名屢經薦舉臨事又能見於施
為著有成效必須就近委用庶可速收成功合無將
楊銳量陞實授都司官職改充叅將名目令其分守
安慶池州太平徽州寧國及交界江西九江饒州湖
廣黃州蘄州等處地方提督軍衛掌印巡捕等官脩
理城池整飭器具操練官軍舍餘人等緝捕沿江并
鄱陽湖等處盜賊保安軍民再將知府張文錦照副
使陳天祥事例量陞在京四品京職提督前項安慶

等處地方軍衛有司修理城池撥給軍器操練官軍民快處置錢糧禁革奸弊所管軍衛有司官及軍民人等有違慢不服調度誤事者輕則文職六品以下就便拏送所在官司問罪五品以上并軍職叅奏施行一應戰守事宜楊銳與張文錦公同計議停當而行事體重大具奏定奪以後地方十分寧靜議奏裁革其楊銳張文錦係城拒賊功蹟候賊平之日紀功等官查勘明白另議陞賞正德十四年八月初四日具題奉

聖旨是楊銳陞實以授都指揮僉事充叅將張文錦陞

太僕寺少卿各依擬分守提督都寫勅與他其保城
拒賊功蹟并各該有功之人待賊平之日查勘陞賞
欽此

為緊急軍情事

看得巡按御史胡潔奏九江兵備副使曹雷先期
出城九江衛指揮僉事許驚九江府知府汪穎棄城
先走失陷城池要行提問一節見今江西事情未寧
合無行令曹雷汪穎許驚俱做為事官聽都御史李
充嗣調遣戴罪殺賊果能建立奇功准贖前罪如事
寧無功就將各官差人解京奏請送問正德十四年

八月初五日具題奉

聖旨是曹雷許鸞汪穎且不提都降做為事官戴罪殺賊果有建立奇功准贖前罪如事寧無功拏解來京依律重治欽此

為地方緊急重情事

看得江西吉安府知府伍文定奏稱六月十七日聞人傳說寧王將孫都御史許副使斬首梟令本月十八日伍文定留回都御史王守仁至吉安督同伍文定等并約會致仕都御史王懋中等集兵固守俟衆而發一節查得王守仁素知兵法初任巡撫南贛江

漳等府地方荷蒙 朝廷假以提督軍務之權遂能
召募義勇平定猺賊今寧王反逆內外遠近議者皆
知王守仁提兵江西足可倚恃已蒙降

勅本官率兵征剿惟慮王守仁已去福建勘處軍亂
事情急不得回今據伍文定所奏江西事變五日之
內王守仁已在吉安據江西上游住劄蓋是

天意欲速滅反逆有此機會况伍文定素著才幹王
懋中忠鯁志節足以表率鄉人合無本部行文就令
差來人馬上賫回交與王守仁遵照欽奉

勅內事理欽遵進勅仍約會王懋中等遵照

聖旨榜文內事理起集義兵協助官軍相機截殺如
獲有功一體陞賞正德十四年八月初五日具題奉
聖旨是王守仁已有旨着照舊提督軍務兼巡撫江
西地方還着約會都御史王懋中督同知府伍文定
等起集義兵協助官軍相機截殺有功一體陞賞欽
此

為緊急軍情添處官員以安地方事

看得巡撫都御史李充嗣等奏要將浙江湖州府知
府劉天和陞用徽寧廣德等處兵備江西吉安府知
府伍文定陞用九江安慶等處兵備可憂起復運使

嚴然陞用池州太平并應天等處兵備一節臣等議
得吉安在賊上游湖州與賊地方相隣知府伍文定
劉天和既有才識託其保障吉安湖州足矣若遽改
移別用其吉安湖州地方又將付之何人及照九江
見為賊兵所據原設副使曹雷不知所在若非大兵
克復就便添設兵備不能單騎赴任何以責其成功
所據李充嗣前奏事出愴惶慮欠周悉俱難准擬及
照池州太平應天等處見該都御史李充嗣在彼督
調軍兵防禦徽州等處近已添設都御史許庭光巡
視浙江兼管徽州又擬奏叅將陳璠在鎮江一帶操

守况今 朝廷統兵征討平定有期各該巡撫官員
要在嚴督府衛等官操練兵馬相機戰守庶不紛擾
正德十四年八月初五日具題奉
聖旨是欽此

為飛報十分緊急軍情事

看得巡撫都御史李充嗣奏稱量撥宣州新安徽州
等府衛軍民兵快前去安慶防守救援勢寡力弱卒
不能進乞與早撥附近兵將星夜前去併力救援一
節緣調附近安慶府衛軍民兵快救援安慶最為得
策但又要摘撥附近兵將星夜前去查得附近安慶

莫如南京留守為重既不可撥其次北近廬州西近
黃州各自為守亦難倉卒取調見今安遠伯朱泰等
領軍前哨先行合無本部行文朱泰等到於南京瓜
探賊情向往酌量事勢緩急相機進剿仍行李克嗣
當此事變務在深沉有謀隨機應變可戰則戰可守
則守固不可坐視因循亦不必張皇失措正德十四
年八月初五日具題奉
聖旨是欽此

為探報十分緊急軍情事

看得巡撫都御史李克嗣巡按御史胡潔各奏據新

安衛指揮張璽揭帖開報江西寧府反逆事情雖稱
差人探訪得知事必多實未為無據除調兵征剿等
項事宜節次議奏通行外今報都御史王守仁領兵
見在臨江府住劄及報廣信饒州進賢拒賊不從九
江賊兵敗衄事情具見彼賊有日就窮蹙之勢我兵
有八面齊舉之威合無本部分付賚送

欽降黃榜人員到於江西境界探聽如果路阻不通
聽隣省巡撫等官設法傳遍若賊已縮伏道路頗通
差去官徑送都御史王守仁及廣信饒州等府交收
張貼曉諭仍贍黃牛百餘本遍發鄉村鎮店傳示捧

讀以安人心共圖滅賊正德十四年八月初五日具題奉
聖旨是欽此

為傳奉事

查得附近臨清并兗州地方州縣今年該解京備用
馬匹不勾六十之數又查得分管臨清寺丞簡佐見
在東昌等處催備馬匹分管兗州寺丞張一夔未曾
到任合無本部差人馬上賁文交與巡撫都御史王
羽火速坐委東兗道分巡分守兵備官會同見差在
彼寺丞嚴督東昌兗州二府并所屬州縣各掌印管
馬等官將原欠今年備用馬匹除已解京外未解者

俱截留兗州臨清二處聽候充補如備用馬不足數
聽將種馬取調又不足數於各州縣里甲馬內選取
或將民間馬匹報官估定價值收買務各足三千之
數不許將老病癘瞎不堪馬匹充數以致臨期誤事
再於太僕寺動支馬價銀三萬兩解兗州府三萬兩
解臨清州本部差官押解前去交割預備買馬事舉
之日將充補過各項馬匹數目并支過價銀行山東
布政司備細造冊送部查考巡撫官仍具總數奏
聞俱不許違誤正德十四年八月初五日具題奉
聖旨是欽此

為緊急賊情等事

議得宸濠悖逆天道得罪祖宗謀為不軌反形已露見蒙
皇上大奮乾剛統兵征討所有宸濠封號屬籍宜先
削除及照

聖駕親征在邇京師居守及防邊禦寇并各衙門題
奏等項事宜均乞裁處早降
明旨以便遵守奉

聖旨是宸濠大逆不道謀為不軌朕不敢赦幸天地
祖宗削其封爵屬籍先命謀勇將臣統領各邊官軍
前去征剿朕今親統六師往問其罪仍詔告天下親

王及鎮巡三司官民人等使知朝廷討賊安民不得
已至意其京師居守及防邊禦寇并各衙門題奏等
項事宜兵部還會多官議處停當來說欽此欽遵臣
等會同太傅定國公臣徐光祚等少保兼太子太保
吏部尚書臣陸完等將京師居守防邊禦寇并各衙
門題奏等項事宜逐一議擬明白伏乞上裁早降
明旨以便遵守正德十四年八月初五日具題奉
聖旨是隨駕官不必用九門守門官不必動着嚴督
軍丁用心守把不許怠玩吏兵二部選官照常具奏
引選查奏司禮監奏請定奪其餘准議欽此

計開

一

聖駕親征合用侍從翰林院內閣官五府六部都察院通政司大理寺鴻臚寺給事中御史及大醫院欽天監譯字等官每衙門一員或量定數員伏乞聖裁

一在京在外各衙門題奏本及各處王府并軍民人等奏本照舊赴通政司鴻臚寺及

左順門投進司禮監五日一次差官齎奏內有緊急事情不拘五日隨即奏聞伏乞速

賜裁答

一常行事務照舊傳奉

聖旨寫傳帖賫回

左順門遞出該衙門抄行補本送科備照但調取軍馬提取人犯干緊處分軍國重事俱降

御寶聖旨手勅賫回

左順門交付該衙門官捧收開拆以便遵守

一各處官員人等赴京朝見及辭回謝

恩等項照舊鴻臚寺官引赴

午門前叩頭例該賞賜酒飯等項引於

左順門叩頭打發鴻臚寺每月一次將賞賜酒飯
人員類總奏

聞

一吏兵二部選除官員務要具奏至

御前批回方赴

奉天門請司禮監官用印子出榜除授

一皇城四門守衛圍宿侯伯都督等官該直日期務
要晝夜在直整點官軍嚴謹關防一應閑雜人等
不許穿朝出入違者許守衛官軍并緝事旗校捉
拏送問仍乞

命司禮監官管束各門官早晚啟閉嚴謹閑防

一京城九門官多軍少軍民人等出入混雜難以閑防合無將守門官暫為裁省退出役占軍人責令常川在門守把仍乞每門

命文武大臣科道官各一員遇有警報各赴該門閑防守把其科道官不時點問以後照舊

一遇有各邊及腹裏飛報聲息立升賊情緊急兵部即時赴

左順門會司禮監內閣緝事衙門府部院寺科道

官計議遵照

欽定大明律例從便火速調撥馬乘機剿捕一面具本差人直至

御前奏聞

一京城內外盜賊除把總巡捕官照常緝捕外遇有報到勢衆兇惡強賊兵部行部督朱洪朱琮等量撥官軍剿捕不許怠玩

一京城內外緝事衙門旗校緝獲奸細一名者照例陞一級仍賞銀五十兩緝獲盜一名者賞銀三十兩一應人等緝獲者一體照賞前項所獲奸細強盜務要法司審問情真方准陞賞不許妄拿平

人希圖陞賞合用銀兩不為常例於太僕寺收貯
缺官皂隸等項銀兩即時支取給賞以勵人心以
後照舊

為調大兵伐叛臣以安人心事

看得左侍郎王憲題稱江西寧王謀為不軌

皇上親統六師奉

天征討精選京邊官軍數萬風聲所至兵威振揚柰
北人弓馬戰陣利於平地南方土人慣於扒山水戰
各有所宜查得先年征進貴州奢爐山湖廣郴州俱
調土兵平定克捷今奸臣謀逆調征各路土兵事在

不疑乞將廣東狼兵湖廣土兵處州土人贛州召募
催調上下進剿一節除處州贛州軍兵已經議奏調
取外省得廣東並無狼兵止是廣西有狼兵舊例調
取狼兵土兵征勦猺獞苗賊以夷攻夷事體相應近
年調征江西姚源洞賊被其賣放乘機生變搶奪財
物為害地方節經言官論奏案卷具存所以本部查
議節奉

欽依湖廣官軍依擬行欽此今侍郎王憲奏要催調
廣東狼兵湖廣土兵執稱事在不疑必有定見本官
見今整理征進江西兵馬合無依其所奏就令王憲

臨時斟酌奏

請調取正德十四年八月初七日具題奉

聖旨是欽此

為緊急軍情事

議得大軍南征糧餉為急即目前哨人馬二萬餘員
名啓行不日過江到於南京并南直隸地方住劄相
機取路進攻江西原差尚書王鴻儒既已病故合用
糧餉無人僱運誤事非輕合無照依原會議差委王
鴻儒事理請

勅一道馬上差人賁文交與巡撫南直隸都御史李

充嗣欽遵不妨巡撫督理軍餉仍照巡撫蘇松都御史張津巡撫陝西都御史王憲事例量改戶部堂上官職銜兼左僉都御史行事若以為李充嗣巡撫事繁不暇顧理查得提督兩廣軍務右都御史蕭紳新推未去合無先其所急請

勅一道賚與蕭紳督理軍餉其廣東見有楊旦在彼巡撫待江西事寧之日或令蕭紳仍去更替楊旦或別為議處另行具奏定奪臣等俱未敢定擬伏乞

聖明裁處正德十四年八月初七日具題奉

聖旨是李充嗣陞戶部右侍郎仍兼憲職不妨巡撫

趙督理軍餉寫勅與他欽此

為十分緊急賊情事

看得安慶府知府張文錦守備署都指揮楊銳各奏
六月二十七日江西叛賊徐承奉凌十一吳十三等
殺人劫財放火燒屋攻圍府城七晝夜不退城中有
備銃箭打死強賊數多但恐日久計生城孤援絕乞
要早發京邊官軍三千員名晝夜前去會合剿捕再
發精兵三二萬自湖廣浙江南直隸地方三路前進
等因見蒙

欽命安邊伯朱泰前哨人馬八月初三日起程外合

無本部行文巡撫都御史李充嗣調撥附近府州縣
衛所軍兵選委謀勇官負統領前去安慶等處應援
務使前賊不得登岸攻城以待天兵下臨進勦仍乞
將本部原擬南贛王守仁湖廣秦金南直隸李充嗣
葉蘭等

勅書上緊差人晝夜賫捧前去交割欽遵行事見蒙
欽降黃榜合無本部差官分投賫捧交與王守仁等
及新差巡視浙江都御史許庭光各設法傳遍江西
等處府州縣地方張掛曉諭及行文江西司府州縣
衛所等官固守城池設謀會剿功成之日大加陞賞

必不吝惜再行許庭光會同巡按浙江監察御史三司官上緊調取溫處等處軍民兵快二三千名令參政閔楷再委都司謀勇官一員一同統領上由嚴州通徽州路口下由玉山通廣信路口量其警報緩急分布設伏相機遏剿再照安慶到京陸路二千七百里知府張文錦署都指揮楊銳差搃甲許永祥舍人余順總城晝伏夜行不過二十日到京飛報軍情頗効勞力合無將許永祥余順各量加賞賜付與黃榜二十張馳驛賁回交與張文錦楊銳設法送江西境內曉諭施行正德十四年八月初八日具題奉

聖旨張文錦楊銳同心協謀以防守有備反賊臨城親
領官軍民快人等極力捍禦宗打死賊衆數多勞勤可
念差來人賞銀三兩各處地方着用心防守曉諭事
宜你部裏馬上差人着各該鎮巡巡視巡按三司等
官依擬處置功成之日陞賞不吝欽此

為緊急軍情事

看得守備九江等處署都指揮僉事楊銳奏要將原
任江西布政鄭岳起任江西巡撫都御史原任江西
副使胡世寧陞任僉都御史管理鄱陽湖南康湖口
及將賞捧檄諭擁至城下聲叫歸降王叅政潘僉事

五
誅戮一節查得先該本部會官議奏已蒙降

勅都御史王守仁巡撫江西訖本官素曉兵法又見在江西近便最為相應緊急之際難再改用及鄱陽湖并南康湖口地方必須大軍克平之日方可差官管理見該本部別本議擬推用楊銳張文錦就近分守其地速收成功具題外所奏鄭岳胡世寧平昔忠義委當起用但欲在江西誠恐緩不及事合無本部移咨吏部待後別有相應員缺具奏起用其所奏王叅政潘愈事順從宸濠反逆事情合候擒獲之日鞫問明白檻送赴京會官再審明正典刑斬首有功官

軍行紀功官查勘造冊奏繳陞賞正德十四年八月初十日具題奉

聖旨是欽此

為急處馬匹以備應用事

照得上年為因各處地方災傷小民窮困正德十四年分派取備用本色馬一萬七千餘匹又有寄養馬三千九百餘匹及有陸續銀買馬匹共計二萬有餘足勾緊急兌軍之用不意今年有事調軍用馬數多以致交兌不敷及寄養馬匹數內多被官軍嫌瘦不肯領兌緣舊例派馬有數一時有事用馬太多委的

計無所出今太僕寺呈要早為議處於團營等營內
借撥兌用陸續補還但前項查出三大營見在馬匹
俱各數少難以動撥惟團營有馬二千餘匹亦難動
撥況中間貧難軍人因無料草餵養多致瘦損不堪
騎征合無本部通行各該巡撫都御史嚴督二司分
巡分守及各府分管官并行太僕寺各行分管寺丞
將遲誤起解今年備用馬州縣掌印官各取的本招
伏聽候叅提州縣管馬官各革去冠帶鎖項戴罪催
徵起解到京之日送問內原擬存留臨清兗州者上
緊解赴臨清兗州聽候補兌不計失誤該在臨清兗

州買補者亦要上緊買完解用仍行領軍官分付把
總管隊官鈐束軍人但係原寄養有印官馬不係老
病癩瞎即便領兌不許勒要一色好馬致馬不敷以
後再有添差官軍人等在京領兌馬匹行太僕寺將
陸續解到備用馬交兌若一時到少起程緊急從便
於園營見在馬內揀撥以後補還正德十四年八月
初十日具題奉

聖旨是欽此

為十分緊急軍情事

看得南京兵部尚書喬宇等奏稱因安慶府被賊攻

圍緊急遵照

勅內便宜事理劄付潁州廬州武平三衛將京操官
軍動調前去安慶等處應援乞要兵部差官督發星
夜前去防禦一節不見於何年月日差何人賁文取
調曾否取有各衛發軍依准及所調未知是何班次
操軍若調春班見在京操未回若調秋班其軍四散
屯住恐難一時拘齊況未見議處盔甲馬匹行糧所
調官軍有無起程在途無憑得知難以定奪合無本
部備行該府轉行安邊伯朱泰知會如果前調京操
官軍已到安慶等處堪以調用仍留調用若未起程

不必調取過江止照本部原擬分撥沿江一帶防守
俱從宜施行仍回奏查考正德十四年八月初十日
具題奉

聖旨是欽此

為捷音事

看得提督巡江都御史劉玉奏稱七月十五日安慶
守備楊銳知府張文錦督軍擒斬江西賊級五十三
名顆賊已遁回江西及稱臣先已嚴督巡江御史蔣
達戚雄分督沿江守備備倭并府衛等官調集軍夫
防遏策應蔣達原調桐城縣民兵四百七名縣丞楊

益領至安慶府十里鋪劄營見賊餘船二十七隻趕
殺追往九江去訖又稱責委把總指揮范宣等從陸
路徐端等從水路前去會剿及聞江西吉安等府俱
各舉義興師乞要速行天討一節詳其所奏安慶退
圍雖楊銳張文錦之功其巡江都御史劉玉御史蔣
達等調兵應援不為無助及督委把總指揮范宣徐
達等水陸並進尤為得策合無本部行文紀功官候
事寧班師之日查勘奏內有功人員并劉玉等通行
具奏議擬陞賞再行都御史劉玉將前項原調各處
民兵及水陸會剿官軍務要虔給衣糧盔甲器器令

其精銳得以効用仍授以攻守方畧明示賞罰令其
遵守知所勸戒至於戰船行動止宿尤須相視水勢
謹備風火毋惰賊計致損軍威正德十四年八月十
三日具題奉

為急缺征操馬匹事

看得提督十二管新寧伯譚祐等議行本部轉行太
僕寺即將州縣寄養民間并四戶等馬調取一二萬
前來星夜充給官軍聽用一節查得順天府所屬州
縣人民例該寄養馬二萬餘匹近年宣府大同并京

營各項官軍節次充過馬三萬五千餘匹比之常年數加十倍見在寄養馬止有三千九百餘匹見今俱發涿州等處聽候遼東官軍補充再無寄養馬匹可以取調其稱四戶馬即係該年派取備用馬匹已到者俱已隨即充軍未到者將司府州縣官節次奏行提問住俸取招鎖項催解急於星火中間多因地方災傷小民貧難不能一一完解又因軍行饋糧運草拽船擡扛等項差占晝夜不得休息以致前馬急不能到若再催急恐逼小民為盜益害地方及至本部先因在京各營軍人貧難撥與馬匹多致餓死如

正德十三年正月至今各營軍人倒死馬九十餘匹
其不死者骨瘦如柴十中無一可以騎征以此本部
近來不肯多撥各營馬匹遇有用馬就於太僕寺取
兌一者軍得新到臆壯好馬二者不累各營軍人倒
死追倍本部又恐年例馬不勾用預發銀兩收買一
年之間共買過馬八千七百餘匹俱已兌軍所有馬
政事宜未為無虞奈何徵派有數取用無數實是難
為會計今該營欲要調取一二萬匹送營聽用委的
無從調取止查有種兒騾馬見在民間喂養其馬專
為孳生之用本難調取但今急用合無行令太僕寺

於附近永平河間真定三府調取種兒馬一千四百匹種騾馬一千六百匹共三千匹上緊解京照例印烙兼搭交兌不許領馬官軍故行刁蹬勒要扇馬逼迫人難班師之日查係馱馬及原無領馬人負領騎種馬者俱退回該州縣領養未退馬匹每馬一匹支馬價銀十五兩給與原養馬人戶自行買補作種仍行印馬御史查點印烙具奏查考本部再行左侍郎王憲并各該領軍等官如遇沿途馬匹生病及倒死務要將原馬并皮張交付所在官司查收一馬兌換一馬畢日造冊奏繳查考毋容一槩搶兌以致數目

不請虧損馬數不係殺賊然隨護送等項人員該領馬匹如遇太僕寺馬少仍於團營就將取充中間有自願取便買馬騎坐者每馬一匹給與馬價銀十八兩自買回日將馬送官或送還原價俱從其便正德十四年八月十二日具題奉

為地方事

看得都御史李充嗣御史胡潔奏稱池州府知府何紹正同知張棻通判喻珪推官許濟時協力固守謀為應援遂使逆賊不敢順流而下亦應擢用以勵其

卷之二十一
餘一節所言深為有理合無將何紹正等四員功績
紀錄在部先各量陞一級行都御史李光嗣差官以
禮獎勞待後事寧紀功官通查各官先後功績一併
具奏議擬超擢以勸忠勤正德十四年八月十六日
具題奉

聖旨是何紹正等協力固守功勞可錄各陞俸一級
以禮獎勞待事寧之日紀功官一併查議來說欽此
為請兵急救危急孤城以固根本重地以保

安 宗社事

看得都御史李光嗣御史胡潔奏稱已調徽州宣州

等府衛軍兵民快前去應援但不開武事驅之於戰
恐非所長乞先降

勅諭以解散脅從被虜之徒及發附近軍兵解安慶
之圍隨即

命將出師殄此逆賊等因查得寬釋脅從及出師征
討二事俱先已有行外都御史李充嗣等為因巡歷
地方行文未到故有此奏其奏要發附近軍兵前去
應援一節緣附近安慶莫如徽池太平宣寧今既稱
彼地軍民素不知兵難驅出戰其江北軍兵又豈有
素習戰陣之人可以調發見該南京兵部尚書喬宇

等調取淮揚廬鳳四府民兵四千前去南京應援巡按御史成英等恐不堪用致成激變具奏阻止已該本部依擬覆奏不必調取今李充嗣等所奏正與喬宇等所見相同仍難准行合無本部行文就令差來人賁回交與李充嗣將原調徽州宣州等府衛軍兵民快就於本府衛地方官內不拘官職大小致仕見任推選素有謀勇堪以領兵官負責委統領應援截殺有功不次陞擢仍須處給衣糧盔甲器械指授方畧明示賞罰收整散亂變弱為強務得其用功必有歸正德十四年八月十五日具題奉

聖旨是欽此

為緊急軍情事

看得都御史李充嗣御史胡潔各奏稱除調蘇常等府官兵船隻躬親統率駐劄安慶一面前進收復九江直搗賊巢乞早

命將出師等因除統兵征討已奉有

勅旨及有安邊伯朱泰等前哨官軍先行外所言徵調蘇常等府官兵船隻收復九江進攻賊巢一節其氣甚銳誠為可嘉但不見開陳各調何等船隻官兵選委何等官員統領中間行糧器具作何供備逆流

水戰設何方法猶恐為謀或有疎畧難保萬全但事已舉行本部難以改議合無行文本官務要慎重斟酌停當施行正德十四年八月十五日具題奉聖旨是欽此

為處置兌軍馬匹事

看得太僕寺卿汪舉等奏要本部將見今緊急兌用不敷馬匹及以後再有兌用之數早為計處一節查得河南山東南北直隸地方每年派取備用馬匹數目俱有舊例去冬至今為因兌馬太多以此數盡不敷前項本部節次議奏發銀收買及將拖欠馬匹司

府州縣官提問住俸鎖項催徵急於星火又將民間
孳生種兒騾馬調取應急用此外委的別難計處
合無本部再行各該巡撫都御史并太僕寺分管寺
丞將今年未到備用馬五千九百餘匹星火催完督
令管馬官鎖項解京交割畢日送法司問罪及催原
調種兒騾馬三千匹解京聽兌再行太僕寺除在京
照常收買外在外查照舊例斟酌地方有無出產定
擬馬數共買馬一萬匹行令各該分管寺丞會同各
該巡撫都御史委官收買陸續解送太僕寺及轉發
寄養聽用若一時收買不出將種兒馬驗看堪中解

京每種馬一匹照依時估給與原養種馬人戶價銀聽其隨便買補送官印烙領養作種及照見今各地方馬少價貴若拘每匹十五兩之例不免百姓包陪逼迫逃竄合無不拘常例每馬一匹定價十五兩以上二十兩以下庶不累民亦不許高擡價直虧官其合用馬價就將各處該解京備用折色馬價銀兩存留在彼買馬支用如有不敷太僕寺解發驍數買補畢日太僕寺將買過馬匹動支過銀兩總數具奏查考仍行各司府備造印信文冊送本部并太僕寺收照正德十四年八月十七日具題奉

為急請熟知戰陣將官以操練軍馬事

看得南京兵部尚書喬宇等奏要推選曾經戰陣謀勇將官二員前去南京大小教場并

神機營操練官軍遇警統率征剿一節查得南京大小教場并

神機營操練官軍見有內守備官黃偉等及外守備成國公朱輔協同守備西寧侯宋愷管理并尚書喬宇叅贊今要另推將官二員管操誠恐政權不一難以行事况臨敵易將亦非所宜合無本部行文尚書

喬宇一面會同內外守備黃偉朱輔等照舊督委坐
營等官整搦官軍申嚴號令加謹防守相機剿殺如
或視常因循失機誤事咎有所歸一面會同南京守
備五府各部都察院通政司大理寺堂上官及六科
十三道官從長計議如果相應添設謀勇將官二員
管操就議應該定擬何等職掌名目及與守備參贊
等官應否韻頤行事務要事體停當經久可行開陳
明白具奏定奪其各營坐營總等官內有不職應
該更換者照例推舉更換守備等官內有才不勝任
者聽其自陳取自

上裁定奪去留及照近日江西反逆警報南京管軍
官員內有束手無策不能盡職者聽南京科道官舉
劾黜退正德十四年八月十九日具題奉
聖旨是欽此

為緊急軍情事

看得南京守備太監黃偉等奏稱守備楊銳堅守孤
城使逆賊挫衄不敢長驅保障南都厥功甚大要將
楊銳降

勅褒獎及稱賊勢今雖暫離勢必復合已於沿江一
帶分布官軍及催操江都御史劉玉統軍前進尤望

早賜

命將統領京邊官軍星夜前來一節合無本部行文
差人馬上賫送安邊伯朱泰太監張忠左都督朱暉
等上緊前去隨賊向往迎遏截殺務期成功仍陸續
差人奏報正德十四年八月十八日具題奉

聖旨是你部裏便差人馬上賫文着朱泰張忠朱暉
等上緊前去隨賊向往遏截剿殺早平逆賊以安地
方欽此

為十分緊急軍情添設憲臣以剿除叛賊事
看得南京兵部尚書喬宇等奏要将南京太僕寺卿

毛珵陞都御史督發廬鳳淮揚等處一應取調官軍
及將應天府府丞許庭光陞都御史職銜經理京城
各門防禦等因查得廬鳳淮揚等處軍兵已該都御
史叢蘭御史成英奏留本處沿江守把難再取調及
許庭光亦該吏部會推陞都御史巡視浙江等處去
訖况江西反逆事情先該本部會多官計議調集各
路官兵進剿及節奉

勅旨統兵征討安邊伯朱瑄等前哨人馬見今發行
其南京京城內外防禦事宜亦先請

勅南京內外守備叅贊操江等官嚴謹守把設法防

禦俱已節次有行令要旋設都御史一員經理京城
各門防禦誠恐責委不一反致誤事亦難依擬合無
本部移咨南京兵部遵照節次奉到

勅旨及會官計議奏

准事理欽遵施行不必更改正德十四年八月十八
日具題奉

聖旨是欽此

為逆賊擁衆虜害六司臣事

看得鎮守湖廣太監李鎮去稱會同總兵巡撫巡按
等官議得湖廣官軍消耗甚募民兵亦多不教之徒

永保等司土軍水戰恐非所長況聞國有屯難其心
又未可測雖稱整搦聽調不敢令其啓行乞要本部
議處分遣將領統率邊兵一枝星夜前去會合搗虛
夾攻使大逆旦夕成擒一節查得本年七月初十日
南京內外守備等官奏報江西反逆事情本部遵奉
勅旨隨即會同多官議定征討事宜十一日具題十
三日奉

欽依馬上差人通行各該巡撫等官欽遵外內一件
再請

簡命堪任南方將官一員請

勅一道星夜前去湖廣會同鎮巡官挑選官軍同秦
金前去通連江西要路相機行事未蒙
俞允本日又該太監蕭敬等節該傳奉

聖旨一面前去浙江湖廣著落鎮巡等官并調漢土
官軍各相機應援進剿欽此該本部議得調土軍一
節未奉

明旨調取何處土軍查得正德七年調廣西土軍征
江西流賊乘機搶劫為害地方合無行令湖廣鎮巡
等官止將本處衛所官軍年揀選徵調節奉

欽依湖廣官軍依擬行欽此今太監李鎮等會議具

奏正與本部前議相同具
各官協力圖報備慮周
密合無將李鎮等請

旨獎勵本部行文就令差
來小人賁回交與太監李
鎮秦金等查照節奉

勅旨并本部節項題

准事理欽遵施行原議該
載不盡事理悉聽便宜區
處務在防禦有備進剿得
宜成功陞賞不吝誤事實
有所歸正德十四年八月
十八日具題奉

聖旨是李鎮秦金等協心
討賊計慮周密寫勅獎勵
其餘依擬行欽此

為留用官員事

看得提督南贛汀漳等處軍務都御史王守仁奏稱
江西寧府謀叛兩廣清軍御史謝源刷卷御史伍希
儒各赴京復

命經過江西不能前進奮激効力殺賊以報

朝廷臣亦思軍務緊急各官俱有印

勅方便行事遂留軍前同心戮力共濟大難及謝源
伍希儒奏同前情臣等議得江西地方宸濠既已反
叛鎮巡三司官俱被囚禁四路阻截王守仁與兩廣
公差御史謝源伍希儒偶會吉安留住効用共圖滅

賊處常時雖似不可遇事變深知其忠令無本部移
咨王守仁依奏施行并咨都察院行御史謝源伍希
儒等俱聽王守仁討議分管戰守等項事宜務在同
心協力共圖滅賊不可各執一見致有乖違有功陞
賞不吝誤事責有所歸事寧之日回京復

命正德十四年八月十九日具題奉

聖旨謝源伍希儒着在江西軍前與王守仁同心協
謀剿平逆賊欽此

為十分緊急賊情動調忠勇官軍以安地方事
看得南京兵部尚書喬宇等奏稱致仕叅將石璽謀

畧優長迥出流輩精神强健渾如少年乞要行文本
官督率官軍家丁徑趨安慶等處相機截殺一節查
得前項正德七年為因流賊猖獗曾經舉用石璽充
叅將領

勅河南直隸地方統率官軍民兵二千員名殺賊月
給米二石賞賜銀兩表裏全要復用石璽督率官軍
家丁前去殺賊不見議定督率何處官軍若干員名
緣由今欲就聽石璽選調歸德武平等處官軍誠恐
一時不能齊備未免級不及事合無請

勅一道差人賞付石璽捧收欽遵行事令其量帶家

丁星夜前去南京聽尚書喬宇會同內外守備并提督操江南和伯方壽祥都御史劉玉計議或於大小教場或於操江或於江南直隸府衛官軍民兵內重選一二千員名或處置馬匹或用步戰或用水戰交與石璽統領仍指授方畧或追隨逆賊向往或把截江津要害務得其用期收實效不可分布失宜徒事紛擾不得實用仍行巡撫河南都御史沈冬魁責委布政司分守官督同歸德州官起與石璽關文應付馬匹廩給隨從家丁俱應付馬匹口糧不許遲悞其馬匹就於歸德州并附近州縣官馬內撥給如無官

馬或不堪騎征火速動支官錢收買若石璽自願買馬照依時估給與馬價其支用過馬匹銀兩俱候事寧之日查算於河南所屬未解備用折色馬價銀內補還正德十四年八月二十日具題奉

聖旨是叅將石璽寫勅與他着帶領家丁上緊前去南京統領官軍民兵依擬行事務收實效以安地方欽此

為藩王謀反事

看得江西南康府知府陳霖奏稱六月十五日四更時分反賊入城統兵對敵力不能支不免潛形負印

山行草宿與死為隣臣府委無衛所民兵不多乞要
命將出師臣不職罪當萬死一節江西反逆暴兵率
至南康失守知府陳霖罪固難逃但稱力不能支未
見順從情似可原合無本部行文都御史王守仁將
陳霖降做為事官委用戴罪殺賊果能建立奇功可
准贖罪或別有隱情又無功可贖俱候事寧之日查
議明白奏請定奪正德十四年八月二十日具題奉
聖旨是陳霖降做為事官戴罪殺賊待事寧之日着
巡按御史查議明白奏來定奪欽此

為預防邊患事

近該宣大守臣節報虜賊大營壓境住牧長闊二三十里時遣輕騎窺伺除查議具題外臣等切思前年虜入應州幸遇

皇上駐驛陽和揮戈一指虜即退避去年

皇上駐驛宣大虜賊不敢出塞過河東窺宣大却往極西臨鞏地方搶掠此則北虜畏懼

皇上威武之明驗也今

皇上深惟

社稷大計親統六師殄除不庭

駕行未久即有前報誠恐一旦擁衆入境邊兵數少

調不敷有失防禦其江西逆賊天兵一臨必就擒
滅前項邊情亦當預防伏乞

聖明俯賜裁察如果江西逆賊漸就削平軍不多用
合無將原調各邊官軍內量掣一二枝急赴宣大按
伏應援及將遼東官軍量留通州等處住劄以待居
庸東西二路關隘等處有警防守截殺如此則

皇上神謀妙算超越千古南征北伐兩不妨誤正德
十四年八月二十八日具題奉

為飛報地方緊急事

看得巡按直隸監察御史胡潔奏報江西反逆事情俱在本年七月初十日以前節經都御史李充嗣等奏報施行外其七月十五日賊圍安慶被守備楊銳知府張文錦拒敵退逐擒斬賊人賊級緣由奏內開無蓋是御史胡潔出巡池州東流縣等處未見安慶捷報故有此奏及看奏內吉安府奉都御史王守仁批行江西各府州縣火速整備兵馬共興除暴之師不許觀望猶豫自取罪戾即今義旅既集不日東下仍各轉行南直隸廣閩湖浙各省知會一節以前各官奏報未有此事臣等因此推之七月十五日攻圍

安慶賊船退回固楊銳張文錦等拒守之力亦恐王
守仁義兵四集聲震南昌致賊掣回內顧理或有之
果如今料南昌逆賊不自死滅必西遁湖湘東走瀛
海合無本部行文付順差人賁回南京操江都御史
劉玉分分守鎮江叅將陳鏞運謀設法晝夜防範遇
有賊船乘其昏夜及烟霧晦冥之時揚帆東下即便
發兵追襲剿殺或縱火乘風焚燒其舟及行巡撫湖
廣都御史秦金等嚴督地方官負於蘄州等處及通
連江西蹊徑小路用心把截盤詰遇有賊過捉獲牢
固枷釘解京各該地方官負果能得獲首惡劇賊一

體論功大加陞賞如或防察欠周致有逃避罪亦難
辭正德十四年八月二十日具題奉

聖旨是這追剿把截等項事情你部裏便通行各該
地方官負着依擬行欽此

為調取緊急應用馬匹遲誤不到事

看得太僕寺卿汪舉等奏稱調取各處種兒騾馬五
千餘匹日久未到及原派正德十四年備用馬未到
六千五百餘匹各該司府州縣掌印管馬官員不以
軍務為重恣意遷延累次催調畧不經心以致遲誤
軍務法難輕貸各該地方巡撫官員并分管寺丞俱

各催督欠嚴亦難辭責乞要本部分別等第奏請處
治一應該解馬匹務令即時解到不許時刻遲延一
節臣等議得調取種馬事出非常一時取解急難齊
備猶為可恕其今年該解備用馬匹係是去年預先
派取定有限期備用之數乃敢違限累催不到若非
州縣掌印管馬官平素貪婪號令不行必是罷軟不
職難以輕恕合無本部移咨各該巡撫都御史并行
太僕寺分管寺丞各將起解備用馬違限至今年八
月十五日以前累催不到州縣管印并管馬官職名
查明具奏俱行吏部查照罷軟事例革職為民其司

府分守分管并管馬官查其該管州縣所欠馬數多寡分別輕重叅奏定奪及拖欠備用馬匹人戶該管府州徑自提問治罪再照巡撫官并寺丞催督欠嚴俱難辭責合無俱候各官查奏至日係巡撫官本部查有故不催督坐視情由奏請罰治分管寺丞仍依原擬送問其遲誤起解種馬官吏行太僕寺通查明白四報本部另行叅究正德十四年八月二十六日具題奉

聖旨是這起解馬匹遲誤人負都依擬查究處治欽

此

為預覈兌軍馬匹以全馬政事

看得印馬御史虞守隨奏要先領軍官班師之日俱由原領馬州縣回還將先領馬照換原馬已死給帖執照到京查給原養種馬八戶給與銀兩幫買一節查得兌軍馬匹節經本部前項議處畢日造冊奏繳查考外今御史虞守隨又奏前因正與本部前議大畧相同合准所言本部通行太僕寺分管寺丞及行本部左侍郎王憲備行各該領軍官班師之日各於原兌馬州縣依擬查照兌換各馬倒死驗有皮張鬃尾給帖執照查給若官軍回還不由原兌馬州

縣經過聽本部左侍郎王憲從長議處定奪其餘事
宜悉照本部前項節次議處事理施行正德十四年
十月初一日具題奉

為年例派馬數少額外兌馬數多乞早議處事
查議得北直隸河南山東南直隸百姓養馬正統十
四年以前每年派取備用馬二萬匹後因累民弘治
三年會官議准每年止派一萬匹因不勾用又改每
年派取本色折色馬共二萬五千匹去年至今陸續
兌過馬五萬八千七百餘匹馬已兌盡今欲比上年

加數派取緣上年派取馬二萬五千匹百姓艱難尚
且追徵不完今若再加愈致拖欠逼迫逃竄欲差官
四散收買見今已發銀十八萬兩各處收買未完難
以再買況原收馬價銀兩陸續支給將盡無銀可支
臣等若不查明舊例撙節查考實是計無所出且如
四衛勇士舊例太僕寺關馬倒死二次者不許重關
照京營例追陪今四衛勇士前項節年陸續關過馬
匹中間豈無二次倒死之數未見查算追陪及照遼
東地方自有行太僕寺苑馬寺養馬宣府自有團種
地畝子粒銀兩大同亦有地畝子粒銀兩并各有椿

朋銀兩本處自買馬匹俱係舊例原無太僕寺領馬
事例今自去年至今遼東宣府大同等處官軍共兌
過太僕寺馬二萬四千一十三匹其倒死馬匹及椿
朋銀兩未見查明下落及照在京各營官軍馬匹倒
死舊例俱是各營自行追收椿朋銀兩買補後因團
巡官軍自買馬匹不便將椿朋銀兩追完送太僕寺
兌與寄養馬匹今查各營前項年分節次倒死馬一
萬三千餘匹兌過馬一萬三千五百六十七匹其椿
朋銀兩未見追完似此各邊各營俱來太僕寺不時
交兌馬匹及至馬匹倒死却不查究追補豈能有

限之馬供無窮之用合無本部通行宣府大同遼東等邊今後非遇動調軍馬遠出征進務要遵守舊規官軍缺馬本邊自行處給不許妄行奏討太僕寺馬匹補給違者聽本部叅究治罪其各邊節年倒死馬匹合無差太僕寺少卿一員前去宣府大同一員前去遼東各請

勅會同各該巡撫都御史將正德十二年正月起至今正德十四年十月止各年官軍本處原領馬匹并出征兌領過太僕寺官馬逐一查勘內有倒死者如果曾經告官驗實追完椿頭銀兩在官見有文案可

照別無情弊准令分豁若未告官驗收皮張亦無追
收椿頭銀兩又無文案存照顯有盜賣侵欺等弊就
便查究明白依律問罪追陪干礙領軍官負叅奏提
問中間應該議處馬政事宜應施行者就便從宜施
行事體重大會議明白奏請定奪事完回京復

命及行騰驤四衛查勘勇士軍人節年領過官馬內
有倒死二次者回報本部照例追陪不許重複關馬
違者送法司問罪再行團營三大營并西官廳查勘
節年倒死等項馬匹內有拖欠椿朋銀兩者俱定限
追陪送太僕寺買馬支用過限不完亦送法司問罪

把總管隊等官照例住俸叅提其近日征進江西
軍沿途倒死兌換馬匹行本部左侍郎王憲事畢之
日查勘明白具奏查考以後如遇太僕寺原派馬及
銀買馬兌盡不係出征時月官軍原領馬匹倒死聽
候陸續補給不許逼取一齊交兌正德十四年十月
十六日具題奉

聖旨是馬政係是重事每年原派之數有限都是小
民膏血買補喂養近來額外兌馬數多領馬官軍又
不用心愛養重閑倒死的不行追賠拖欠椿朋銀兩
的不行追完

累朝舊規日見廢弛若不搏節查考委的計無所出
今後各邊缺馬非遇動調征進都着自行處給不許
妄意奏討其節年倒死之數還差太僕寺少卿前去
會同巡撫都御史查勘明白來說其餘俱依擬行欽
此

晉溪本兵敷奏卷十一終